




閩書序

閩書者何以志閩也閩故無志黃公仲昭始創爲之
久而莫續故弗傳也侍御山陰陸公夢祖來按是邦
謂閩名藩也而文獻之弗徵何以示後檄下郡邑各
脩厥事而請匪莪何公與一二鄉紳之有文者董其
成載筆焉何公辭不就迨列郡志成以上學使者慈
谿馮公燧馮公後袞而致之何公請竟斯役公于是
盡取八郡一州五十七邑之乘而徧閱之撮其精華
去其繁冗文其朴野折其混淆而又旁搜博採凡遺
蹤逸事散見于他書者悉行撫拾以苴其罅漏爲志



復

二十有二爲卷若干其義例皆公所創定更五載始成編携以示余爲之序余窮數旬之力讀之乃竟嘆曰美哉皇皇乎非但一方之信史亦千古之鴻裁也其足昭既往而鏡來茲奚疑哉抑余因是有感于閩事焉閩在上世不列於職方至無諸佐漢肇啓王封爰登圖版是閩之一初也然而草昧新開經綸未具龍臺歐冶若有若無未幾而復徙其民於江淮遂墟其地此一厄也喬及六朝差同賓服唐常觀察建學興文衣冠始奮又閩之一初也載更王氏竊據稱雄初猶小康終則大亂龍帳宣淫寶宮崇厯縱橫巫鬼荼毒干戈又一厄也此如重陰濁霧之境乍露微光忽復蔽塞蓋培荒陋而文明若斯之難矣至宋而龜山先生得統河洛諸大儒接踵繼起煥乎揭日月于中天幽遐與溥悉耀光明鄒魯之名繇此而著明興益緒其業山陬海澨絃誦相聞碩士魁人後先繼起吾讀英舊志而咨嗟慨慕不勝高山景行之思焉要以淵源所自實本宋儒故宋儒之功于閩不啻闢鴻濛而開天閩士守宋儒之訓宜不啻若功令乃今拾瀋時流操戈前哲等傳註于弁髦以穿鑿爲捷徑此如故家子弟豢養膏粱而忘其先世之遺籍家

有千金棄若敝帚良足嘆已天地淳龐之氣積久而發則其發必昌及其發之過而無爲之醞釀則又將衰颯而不振故論閩于今日亦盛衰升降之會也無之干概失職桑土踈防滄海綠林莽爲盜藪其民亦習於淫侈物產日耗吏治滋偷吾讀扞圉島夷萑苻文泄風俗南產諸志而穆然深思不勝杞人嫠婦之念焉往事之不忘後事之師何公之孜孜矻矻竭數載之力從事於此其用意深而其爲閩慮遠矣至于抽揚小善遐邇不遺闡發幽光鴻纖畢舉則在閩言閩寧恕毋刻惟是非之不謬斯懲勸之有裨固不必摻瑕掩瑜過爲吹索此實公厚待桑梓之盛心而非輕於持論者所能窺測也公家世源流具載志末生平篤學真脩無媿宋儒里居二十餘年日惟談道著書誨引後進於古今成敗國家典故無不考究談之歷歷如指掌以名儒而兼良史惟公其人於志閩何有昔春秋時列國分爭孟氏所舉有史者僅魯與晉楚耳魯有夫子丘明晉有董狐史墨楚有左史倚相是以有史吾閩有何公故有茲書夫何公聖人之徒也何論董狐左史輩哉於是乃益見閩之爲鄒魯矣萬曆四十七年光祿大夫柱國少師兼太子太師吏

部尚書建極殿大學士福清葉向高序

一是書所編府州縣次第悉依

大明會典不敢妄分先後

一是書起於萬曆壬子成於萬曆丙辰今增至
庚申歲以成

神廟一朝終始然惟科目表試錄可稽餘文蒞武軍
及英舊諸傳間或得梗槩亦無從質其詳也
一古時省鎮皆使相及大臣出兼要不離鈐轄
州事所以寘前列若

皇朝則設布政司爲專首而巡撫諸衙門皆後來建
置是書首布政使司按察繼之尊

朝廷張官置吏之序也

一閩學惟朱文公最重當如史記立為世家乃見尊朱之意但如此則當分道學文章政事諸門體裁方得歸一且何德行之無文章何文章之無政事老子韓非同傳古人有之而嘉靖中浙江通志一槩叙列善惡邪正取備褒誅初無分別今稍倣之然而惡與邪不列矣

一志文蒞必先論其平生誠其人也雖於地方無蹟可紀要為當世賢士君子不可不藉重也湖澹菴在泉漳初未蒞任王梅溪在泉四月耳泉漳之籍敢遺之乎若其發奸摘伏綜覈名實雖有益地方儻離官之日裝載輜重纍纍也問其家則貲以溫夫非吾師帥哉吾愛吾筆矣至其物論不諧載在舊史與

累朝實錄者分註名下無俾叅厠臚列不敢謬為託曰直在其中也

一閩中諸縣有山川僻寂縉紳稀少之處其來為官者多非進士高第一方任所為今按本縣志書有注其貪穢者悉行削去使將來他人讀者未必知也而其子孫或見之曰吾父祖官此



也何以不錄名耳鳴腹痛惟心知之矣

一首領及教官職名很多若盡錄之此郡縣志書體今惟擇其賢附見府州縣之後

一志中所列文蒞有見某官者一以最後遷轉爲主若本閩中人則見於本貫

一元有天下夷人也何可與中國齒官於斯者其姓名非聾牙不辨則重疊難舉如九牛毛何足有亡况夷人故輕中國士並不使居顯官要職胡爲愛惜之若其人有志於後世之名則吾能徵之矣

一英舊人物但有分見於海內府州縣諸志者無分崇卑大小一槩都錄譬如人家女子嫁爲人家婦婦家咸宜之矣頌爲賢母則豈待外家別爲稽核耶陶淵明云操行之難姓名翳然千古同念也

一特立小傳者唯縉紳爲然其餘若高士名僧以及靈神仙釋大槩多在巖居川觀之中卽山川亦藉生色今有山川可入者悉入之其餘無可附麗者方列常布閭巷靈祀方外等志

一志末我私蓋做古人自叙之意司馬遷班固

沈約並有之非敢謬妄以私門溷廁公書也

右凡例十二則

古回命

閩書卷之一

分野志

卷首

方域志

自一至三十一

建置志

自三十二至三十七

風俗志

三十八

版籍志

三十九

扞圍志

四十

前帝志

四十一

君長志

四十一

文涖志

自四十二至六十六

武軍志

自六十七至七十一

自七十二至百三十四

英舊志

縉紳 僑寓

弁韜 裔派

關析 凡七則

韋布

間巷

方伎志

百三十五

宦寺志

百三十九

方外志

仙道

釋衲

凡二則

閨閣志

自百四十至百四十五

島夷志

百四十六

靈祀志

百四十七

祥異志

百四十八

桂葦志

百四十九

南產志

百五十 百五十一

蓄德志

我私志

右目錄凡二十二則

分野志

禹貢揚州之域周官保章氏辯九州之分野吳越屬
星紀前漢志屬牽牛婺女之分後漢志晉志隋志皆
屬斗牛須女之分後漢郡國志云自斗十一度至婺
女七度一名須女曰星紀之次於辰在丑謂之赤奮
若於律爲黃鍾斗建在子今吳越分野晉天文志云
自南斗十二度至須女七度爲星紀吳越分野屬揚
州註云費直起斗十度蔡邕起斗六度又云陳卓范
蠡鬼谷張良諸葛亮譙周京房張衡金云斗牽牛須
女吳越揚州內會稽入牛一度唐書天文志云僧一

行以爲天下山河之象存乎兩戒北戒自三危至朝
 鮮是謂北紀所以限戎狄也南戒自岷嶓至東甌閩
 中是謂南紀所以限蠻夷也故星傳謂北戒爲胡門
 南戒爲越門又云東南負海爲星紀負海者以其雲
 漢之陰也又云南斗牽牛星紀也初南斗九度餘千
 四十二抄十二太中南斗二十四度終女四度爲星
 紀之分古吳越及東南百越之國南斗在雲漢下流
 當淮海間爲吳分牽牛去南河寢遠自豫章迄會稽
 逾嶺徼爲越分宋史天文志天市垣二十二星東西
 蕃各列十一星其東垣南第六星曰吳越元史曆志
 斗四度三十六分六十六抄外吳越分星紀之次
 皇朝天文分野以福建郡縣並屬斗牛之分 大明
 一統志則以爲牛女之分

論曰我

太祖有私習天文之禁吾閩中楊文

敏與諸公不能對

仁宗之問也余小子何以

知之大槩次在星紀野在揚州不離於古文矣

贊曰維閩有疆大海之陬次屬星紀野入揚州或婺
 或須麗斗與牛越門限戒雲漢下流東垣南六天市
 上浮文明之域是爲治甌

方域志

禹平水土別九州任土作貢而益著山海經紀海內

東南陬之山曰旣居海中閩在海中其西北有山一

曰閩中山在海中

郭璞曰今臨海永寧縣即東旣在岐海中也閩越即西旣今建安郡

是也亦在岐海中今按謂之海中者今閩中地有穿井闢地多得螺蚌殼敗槎知洪荒之世山盡在海中後人迺先後厥後禹東巡狩崩于會稽因葬其處夏墳築之也

后帝少康思禹之勳封其庶子無余於會稽以守禹

塚而周成王之時舉文武勤勞之後封熊繹於楚蠻

予以子男之田姓芊氏居丹陽其五世孫熊渠甚得

江漢民和迺興兵伐庸楊粵至于鄂熊渠曰我蠻夷

也不與中國之號謚乃立其長子康為句亶王中子

紅為郢王少子執疵為越章王皆在江上楚蠻之地

而史伯對鄭桓公曰熊嚴生子四人其叔曰熊逃難

於濮而從蠻俗史伯曰蠻芊蠻也與諸姬代相干矣

周禮所載職方氏辯其邦國都鄙四夷八蠻七閩九

貉五戎六狄之人民鄭玄註曰閩蠻之別也引國語

史伯芊蠻為證賈公彥釋曰不作閩者後人轉寫之

誤鄭玄以閩為正叔熊居濮如蠻後子孫分為七種

故謂之七閩也按經閩雖與蠻七八別數本其是一

俱屬南方也太史公南越王傳秦并天下畧定楊越

班固以越為粵然則閩與蠻粵與越皆通義也無余

既封會稽二十傳而為越王句踐句踐之後又六世至無疆為楚所滅子孫播越海上七世至無諸無諸姓騶為閩越王秦并天下興師踰江平取百越閩越王廢置閩中郡漢高帝五年復立之都王東冶孝惠三年分東甌以封閩越君搖為東海王建元三年東甌舉國徙江淮其地復屬閩越六年封無諸孫丑為繇王分東越封餘善為東越王元鼎五年漢擊餘善元封元年繇王居股殺餘善以降武帝封居股東城侯遷閩越民江淮間虛其地其逃亡者自立為冶縣亦曰冶縣又更名東城又更名東冶然攷之兩漢書

地理志並名冶也

按吳越春秋曰越王允常聘區冶子作名劍五枚一曰純鉤二曰湛

盧三曰豪曹或曰盤郢四曰魚腸五曰巨闕秦客薛燭善相劍王取純鉤示之薛燭矍然望之曰沈沈如芙蓉始生於湖觀其文如列星之行觀其光如水之溢塘觀其文色渙渙如冰將釋見日之光王曰客有買此劍者有市之鄉三十駿馬千疋千戶之都二其可與乎薛燭曰不可臣聞王之造此劍赤堇之山破而出錫若耶之溪涸而出銅吉日良時雨師灑道雷公發鼓蛟龍捧鑪天帝壯炭太乙下觀於是區冶子因天地之精造為此劍取湛虛視之薛燭曰善哉銜金鐵之英行氣託靈此劍者可以折衝伐敵人君有逆謀則去之允常以魚腸湛虛豪曹獻吳王僚後闔閭為一女殺生以送歿湛虛之劍惡其無道乃去如楚昭王王寐而得之召風胡子問之此劍值幾何對曰赤堇之山已合若耶之溪深而不測羣神一天區冶子已歿雖有傾城量金珠玉猶不可與况駿馬萬戶之都乎又漢書嚴助諭告淮南曰閩王以八月舉兵於冶南宋書冶縣屬會稽司馬彪云章安是故冶然則臨海亦冶地也張勃吳錄云閩越王冶鑄地故

曰安閩王治此不應偏以受名蓋句踐冶鑄之所故謂之冶乎閩中有山名湛疑湛山之鑪鑄劍為湛鑪也後分治地為會稽東南二部都尉東部臨海是也南部建安是也予按閩中產鐵今松溪縣有湛盧山云區冶鑄劍於此鑪跡尚存張勃說是也謂之東冶者疑福州在建寧東南故曰東冶又云冶南也今福州有山曰冶山山麓有甌冶池也後漢置為候官都尉屬會稽郡建

安初始有候官

即今福興泉漳四府

建安

即今建寧府

南平

即今延平府

漢興

即今浦城縣

等五縣其一史闕書漢末孫策以江東

傲擾自詣袁術欲助其舅吳景平定之術表策為殄寇將軍策引兵渡浙江攻會稽時王朗為會稽太守與戰敗浮海至東冶策追擊大敗之候官長商升為朗起兵策遣永寧長韓晏領南部都尉將兵討升以

賀齊為永寧長晏敗齊代領都尉事候官與建安漢

興南平復亂齊進兵建安立都尉府孫權稱帝以屬

南部孫休永安二年黜其兄會稽王亮為候官侯道

自殺休分會稽南部為建安郡晉滅吳分建安立晉

安其屬建安者曰建安曰吳興曰東平曰建陽曰將

樂曰邵武曰延平凡縣七其屬晉安者曰原豐曰新

羅曰宛平曰同安曰候官曰羅江曰晉安曰溫麻凡

縣八俱隸於揚州元康元年隸江州劉宋建縣六曰

吳興曰將樂曰邵武曰建陽曰綏城曰沙村晉安領

縣五曰候官曰原豐曰晉安曰羅江曰溫麻泰始四

年改晉安爲晉平省新羅宛平同安三縣尋復晉安
梁天監中析晉安地置南安郡卽今興化泉州漳州
等府地普通六年晉安建安南安三郡俱屬東揚州
陳永定初升爲閩州領三郡天嘉六年仍舊光大元
年復升爲豐州隋高祖開皇九年改爲泉州廢建安
南安二郡屬焉大業初復爲閩州三年改爲建安郡
領閩建安南安龍溪四縣治閩縣唐高祖旣有天下
武德五年使王義童下泉睦建三州八年置都督府
治泉州遂以義童領之貞觀初隸嶺南道嗣聖十六
年置武榮州景雲二年改泉州爲閩州都督府武榮
州爲泉州并建漳潮五州屬焉潮今廣東潮州府也
開元十三年改爲福州都督府如故十九年置泉山
府兵二十一年置經畧使二十二年以漳潮歸嶺南
道使領福泉建汀四州天寶元年改隸江南東道其
治在蘇州尋改爲長樂郡復領漳潮二州十載復以
漳潮歸嶺南至德二載置經畧軍寧海軍乾元元年
改爲都防禦使兼寧海軍使復爲福州都督府上元
元年升節度使領建汀劍漳泉福六州寶應元年溫
州來屬未幾遂歸越州大曆六年罷節度使置都團
練觀察處置使於是始名福州曰福建元和間廢經

畧寧海軍乾寧三年升為威武軍以王潮為節度使
 五代梁開平三年封潮弟審知為閩王貞明六年升
 為大都府天成元年審知子延翰偽建大閩國唐長
 興四年僭號改元升為長樂府晉天福八年王延政
 僭號於建州國號殷開運二年復稱閩王以福州為
 東都領福泉建汀漳鏞即今將樂縣鐔即今延平府七州未幾
 為南唐所滅而泉州散員指揮使留從效據泉漳二
 州南唐遂升泉州為清源軍以從效為節度使漢乾
 祐元年閩東都留守李仁達舉國歸吳越錢氏南唐
 改鐔州為劍州周廣順元年改福州為彰武軍宋建
 隆三年從效卒泉漳二州尋為其將陳洪進所奪乾
 德二年改清源軍為平海軍以洪進為節度使太平
 興國三年洪進及錢氏俱納土復為威武軍領福泉
 建汀漳劍六州省鏞州析建州邵武縣置邵武軍屬
 兩浙西南路四年析泉州游洋鎮置興化軍雍熙二
 年始為福建路景德三年置安撫使以福州守臣兼
 領嘉祐四年帶鈐轄大觀元年升為帥府四年罷建
 炎三年復升為帥府端宗即位于福州升為福安府
 元至元十四年置福建廣東道提刑按察司十五年
 置福建行中書省十六年罷省改置宣慰使司俱治

福州二十年罷宣慰復置行中書省二十二年改置宣慰使司併入江西行省二十三年復罷宣慰司置行中書省如故二十四年改爲行尚書省二十八年改置宣慰使司併入江西行省改福建廣東道提刑按察司爲福建閩海道肅政廉訪司二十九年復置行中書省大德元年平章高興言泉州與琉球相近或招或取易得其情立福建平海行中書省徙治泉州三年改置宣慰使司都元帥府仍徙治福州至正十六年復改置行中書省二十六年置福建行樞密院旣而天下大亂福建諸路及廣東潮州俱爲陳有定所據

皇朝李文忠湯和先後平其地洪武元

年置提刑按察司二年置福建行中書省以福汀漳泉建寧邵武興化延平八府隸之改福清州曰福清縣福寧州曰福寧縣九年以中外並稱中書失尊

朝廷意改行中書省置承宣布政使司十四年定按察分司曰福興曰漳泉曰延汀曰建邵二十五年鑄各按察分司印分福建爲三道曰寧武道曰延汀道曰漳泉道二十九年省改道二曰建寧道治建寧延平汀州邵武曰福寧道治福州興化泉州漳州成化六年以龍巖山賊肆竊增置漳南道折漳汀二府屬

馬九年升福寧縣為州領寧德福安二縣直隸布政
 司十三年折汀州道專置分巡弘治二年處賊盜礦
 折延汀邵三府別屬而以建寧道專統建寧及福寧
 州以彈壓盜賊提督坑塲嘉靖三年特 勅福寧道
 兼整兵備徙鎮泉州備山寇二十八年設按察司僉
 事一員分巡興泉二郡與福寧道叅衡駐鎮泉州三
 十四年令布政司左叅議駐劄備兵于福寧州為分
 守建寧道三十八年分福寧道備兵福州駐省城改
 泉州分巡為興泉道分布政司左叅政一員駐興化
 稱分守福寧道萬曆五年改建寧道曰建南又改延
 平之分巡武平道為分守建南道以布政司叅議分
 鎮之其地東抵海西抵江西界南抵廣東界北抵浙
 江界廣九百二十五里袤千七百一十三里

福州府在布政司治所東抵海西抵南平縣南抵莆
 田縣北抵福寧州隋以前皆見上唐初建州後為泉
 州領閩侯官長樂連江長溪即今福寧州五縣嗣聖十六
 年增置萬安領縣六後屢改為閩州福州開元二十
 七年增置古田領縣七二十九年增置尤溪領縣八
 天寶元年為長樂郡改福安為福唐永泰中析侯官
 溪地增置永泰縣領縣九貞觀六年析侯官置梅

領縣十五代後梁乾化元年增置閩清縣領縣十
 一後唐時僞閩為長樂府厭唐號改福唐為福清復
 增置永貞寧德德化領縣十三後晉時僞閩為東都
 後漢乾祐元年歸吳越析尤溪歸劍州析德化歸泉
 州領縣十一宋初為福州置懷安縣領縣十二天禧
 五年改永貞曰永昌乾興中改永昌曰羅源崇寧元
 年改永泰曰永福淳祐中置福安縣領縣十三元改
 福州路領司一曰錄事司州二升福清為福清州長
 樂為福寧州以寧德福安二縣隸福寧凡領縣十一
 皇朝洪武元年改為福州府領州縣如舊二年

改福清福寧二州為縣領縣十三成化九年升福寧
 為州隸以福安寧德如元舊領縣十萬曆八年省懷
 安併入侯官領縣九

江山奇秀土風深厚建汀二疆束其右溟海巨流衛
 其左其形勝也

閩縣東抵連江西抵侯官南抵福清北抵侯官隋以
 前曰原豐開皇十二年改曰閩五代唐長興四年僞
 閩改為長樂清泰二年仍舊晉天福六年僞閩又改
 為長樂縣宋元皆為閩縣 皇朝因之里三十六

統圖一百二十六

在坊

左一坊圖三

左二坊圖五

左三坊圖三

南津坊圖三

在鄉

崇賢里圖三

歸善里圖二

鼓山里圖四

宋鳳池
西鄉

宋鳳池
東鄉

宋鳳池
東鄉

山曰晉提

與曰前嶼

山曰鼓山

蓬岐

觀音

泉曰湯泉

後嶼

鼓岐

劍山

車函

桑溪里圖一

合北里圖九

宋鳳池
東鄉

宋晉安
東鄉

嶺曰婆嶺

石曰動石

溪曰大坑

浩溪

孟溪

獵嶺

溪曰善溪

叢巖

東崎岵

荷溪

嘉登里圖七

宋晉安
東鄉

山曰王岫

文筆

青傘

福斗

雙嶼

湖江

五虎

琅琦

與曰官母

石曰海雷

江左里圖二

宋晉安
東鄉

山曰雲門

蒲峯

石龍

猴嶼

芹巖

後灣

與曰洋嶼

琴嶼

江右里圖一

宋晉安東鄉

雙嶼

山曰衡山

東山

鳳洋

嬰臺

銅斗

驚峯

盤石

石門

孝義里圖一

宋晉安西鄉

重雲

峯曰天馬

嶺曰象嶺

嶼曰獺嶼

遂勝里圖二

宋晉安西鄉初名瑞聖成祖閱閩版訝其太佳易今名

皇朝

嶺曰桑溪

嶼曰鷺鼻

易俗里圖二

宋晉安西鄉

峭谷

龍窟

時昇里圖七

宋高蓋南鄉

山曰金雞

東湖

仁豐里圖二

宋高蓋南鄉

奇山

嶺曰鷺鼻

光德里圖五

宋高蓋南鄉

溪曰鳳立

橫嶼

嘉崇里圖九

宋高蓋北鄉

山曰竹嶼

井曰天台

高惠里圖二

宋高蓋北鄉

山曰長樂

寶月

還珠里圖三

宋崇善東鄉

池曰三角

茶園

西集里圖一

宋崇善東鄉

嶺曰藤山

三昧

峯曰文筆

峯曰義溪

嶼曰柏嶺

嶼曰梅花

山曰高蓋

山曰桃花

山曰壺嶼

石室

山曰鈞龍臺

山曰葫蘆

山曰扈嶼

橫山

山曰石鼓

峯曰義溪

峯曰文筆

江曰南臺

峯曰義溪

峯曰文筆

峯曰義溪

三郎

方岳里圖一

宋崇善東鄉

山曰東峯五仙

巖曰紫微

永慶里圖二

宋崇善西鄉

山曰塔峯

木嶼

清廉里圖一

宋崇善西鄉

山曰方山黃巖

巖曰靈源江曰瀨江

靈岫里圖二

宋崇善西鄉

嶼曰劉嶼

巖曰靈源江曰瀨江

光俗里圖三

宋開化東鄉

山曰浮峯玉壺

籌岐文筆

至德里圖四

宋開化東鄉

山曰九龍洞山

唐嶼嶺曰狂牛潭曰昆濟

歸仁里圖二

宋開化西鄉

山曰清涼江曰峽江

石曰石步石几

永福里圖三

宋開化西鄉

山曰城門大翁

傳坑江曰西峽

高詳里圖一

宋開化西鄉

山曰龍觀文殊

珠山

紹惠里圖一

宋賢鄉

峰曰琅峯江曰琅崎

嶼曰蓮花井曰龍井

欽仁里圖一

宋賢鄉

山曰白田溪曰蕉溪

嶼曰蕉嶼坑曰蕉坑

歸義里圖三

宋賢鄉

山曰圓頭玉枕

馬山柘枝

積善里圖三

宋賢鄉

山曰白鹿梁山

青洋峯曰文筆

三郎

玉水

富山

貪狼

蓮花

方巖

白鹿

古城

飛蓬

紫苔

太平

金仙

天柱
金欄
寶臺
玉蕊
嶺曰青布
溪曰榕溪
白鹿

朝陽
起雲
大座
雙童
嶼曰芝嶼
苦竹

官賢里圖三
宋安仁鄉

仁惠里圖五
宋安仁鄉

永南里圖五
宋安仁鄉

永北里圖四
宋安仁鄉

山曰飲井
嶺曰大步
山曰石鰲
山曰玉頂
朏山
院跡
壘石
嶼曰龜嶼
石籠
潭曰馬面

新安
洲曰螺洲
井曰溫泉
君山
石山
嶺下
嶺曰石湖
石曰石船
井曰更門

開化里圖三
宋安仁鄉

山曰平山
嶺曰瑞迹
甘泉

右附郭

山

九仙山

在城東南隅城中有九山諺曰三山藏三山現三山不可見是山與候官之烏石粵王其現者也羅山與候官之冶山閩山其藏者也又有隱隱磅磅於闌闌間者曰靈曰芝曰鍾故曰不可見也山舊名于山高百十五步周迴三百十步古時有碑蓋

讖語也其文曰我有一庄園寄在于山邊于山九
道士呼名爲九仙輒然來相賀磊老自相傳李公
來戰日此無二一物只有一積金寄在于山庄不
在中山中只是隴西郡我住東西城莊在于山下
有人有不信但呼碑中話只看于山松于山金出
現不在路傍只在中隴西拾得無分張時人莫笑
金泥師拾得金泥也有富太和二年于山二斷吾
年乙丑金園一片寄在山前在前左臂不歸庚申
須歸乙未留傳子孫衣錦次第時人見碑吾今在
世後以漢何仙兄弟九人得名故名九仙按九仙
不載傳記相傳本臨川人九人皆瞽惟長者一日
上監獨明後相率練丹以飼湖中鯉鯉盡化龍九
人各乘一去今仙遊縣之九鯉湖是也九人始入
閩時蓋居此山又云漢武帝時齊少翁以巫鬼事
得幸九仙之父詣闕直諫九子力止之其父不聽
少翁事敗被誅武帝召官其父閩中而九子因得
至閩中鍊氣成道又云九仙父任俠好氣從淮南
王安游淮南王善之談議寢廣九人懼其及也數
諫父謝絕王父不聽去而入閩鍊丹仙遊縣之湖
上丹成仙去及王敗父南行求子不得而歿於巖

山今仙遊之何巖是也然皆莫可考矣此山又名九日閩中記云越王無諸九日之所遊也唐御史黃滔為王審知作丈六金身碑記又曰古仙徐登上昇之地後漢書徐登閩人本女子化為丈夫善巫術又趙昞字公阿東陽人能為越方時遭兵亂疾疫大起二人遇於烏傷溪之上遂結言約共以其術療病各相謂曰今既同志各試所能登廼禁溪溪為不流昞禁枯樹樹即生萇二人相視而笑登年長昞師事之貴尚清儉禮神惟酌東流水脯削桑皮為之但行禁架所療皆除顧漢書言登物故不言仙也唐天祐元年審知即山西南建萬歲寺梁開平元年請以其寺為梁太祖祝釐表額壽山三年審知建定光多寶塔為其父母薦福亦在是山黃滔記云塔之科也恐山之偏憂地之入將塹平壤五十尺之深百有餘尺之濶杵土積石而上逮二十八尺忽得寶珠之現侔於自地之湧遂號之曰定光 皇朝閩中考相傳宦閩中者上官之日必從城西門入入南門必火嘉靖十三年四明屠僑來為左伯不之信入南門居一月雷震萬歲寺塔火僑詣寺拜火天方雨僑急以雨衣藉

地拜至三塔鼎墜地鼎有款識曰諸天及人無繇見鼎地搖三日天雨四花土田三變今古同時屠人握閩雨衣三拜梁天監四年書蓋是塔也當審知建塔之年復卽塔右鑄佛像一高丈六菩薩二高丈三銅爲內肌金爲外膚像未鑄時審知夢天西綵雲燿裂大佛中坐而啓言曰斷予一臂衛之一方及其鑄也工別鑄臂會而一之審知喜如所夢奉之壽山之塔院亦黃滔作記云爾也山之峯曰鼇頂山巔直石壁立可表裏望閩城宋陳誠之讀書于山之嘉福院後狀元及第閩人又呼曰狀元峯旁有玉蟬峯南有小華峯勢皆卑于鼇峯也山有三十奇曰集仙巖曰磊老巖磊老識文中語也曰躍馬巖曰獅子巖曰梅嶺曰仙人座曰祈雨僧真身祈雨僧名義收後梁時人貞明三年春不雨至五月義收以膏藝指不雨積薪通衢期七日自焚炬舉而雨後遊洪州將歸人共遮留廼截左臂付之曰吾去後不雨出禱必應曰杏壇曰石門曰青牛洞曰碁盤石曰醉鄉石曰仙羊石曰平遠臺有巨石刻平遠峯三字皇朝記嘉靖末倭寇俶擾副使宗臣有登平遠臺記曰嗟夫客乎客

聞其說恐予之投觴于地莫予飲也夫閩者豈非
記所稱東南巨麗哉家纓弁人詩禮農嬉于疇而
商歌于塗也當是時而登厥臺焉高山大川游雲
芳草罔弗觸吾目也則罔弗快吾心也今何時也
吾見茲臺三駐軍矣客亦東眺于大海乎樓船組
練隱隱起也南睇于江故里婦日濯錦漂絮其中
者今且健兒飲馬矣西瞻烏石盖有鍛甲礪刃鼓
笳鏡吹之聲焉北闕間井則父老子弟被戎執戈
者怨讟盈道也且千里之內亾者未塋瘡者未起
流者未歸繫者未釋吾念之吾不知汗之淫淫至
踵也昔何以驩今何以悲昔何以靖今何以擾斯
其故難言哉難言哉夫君子之謀人國也上憂主
憂而下憂民憂者也今 帝心常在萬里而民
瘼克克之在吾前也方請纓枕戈不暇餐沐矣客
廼欲吾覩高山大川游雲芳草而嬉乎此吾所爲
嘆也昔元臣據閩之險以抗我旅 皇祖廼
命樓船將軍從大海徑搗其穴空之帝謨輝赫日
月同炳廼今策事之臣顧不能設一奇制敵而使
醜夷往往截海闢我此視 皇祖諸臣何如
哉吾歎之實媿之也曰野意亭有孟庾韓世忠像

孟朝衣韓戎服建炎中塑曰金粟臺臺宋郡守程師孟取王氏塔中所塑金粟像名後守元絳篆金粟臺三字於石最後絳姪積中爲守繪金粟像臺側曰喜雨臺曰九日臺曰琴臺曰廓然臺曰三山閣曰攬鰲亭曰一華亭朱敏功陳瑩中有詩曰四徹亭慶曆中令沈邈所名蔡襄有詩曰龍舌泉曰煉丹井曰浴鵞池古記云雷震穴成丈餘不知泉脉所出夕時鴉羣來浴曰石龜池曰雙石祠石有二青色僞閩以爲雙龜名爲龜七郎靈而封之其始封光威振遠將軍會同十年以閩府承平復封爲安境侯廟祝陳興可至加銀青光祿大夫檢校太子賓客兼監察御史上柱國可謂僭誕也曰政和萬壽道藏宋政和四年間尚書黃裳奏請建飛天法藏藏天下道書總五百四十函

羅山

九仙之支也在萬歲寺南閩縣學之北中有法海寺梁孟司空捨地爲之僞閩徙之城西晉開運二年復舊宋始寺曰法海 皇朝嘉靖中藍御史濟卿有之御史諸孫鬻其旁地于戶部郎陳長勉萬曆中濟卿孫圻復捨爲寺長勉歸所鬻地爲全

寺如故舊有羅山堂金積園萬緣堂友石齋諸勝
金積園蓋取于山之讖

丁戊山

九仙之支也以在郡城中又曰中山舊爲嵩嶽觀
稱中山高嶽崇福行宮蓋閩王望祀之所唐有釋
宣一者居之宣一仙遊人檢身以律中食不踰一
室晏如惟清水楊枝時皆曰希有人也

靈山

在城東北隅候官縣越王山之支也亦名大雲中
有開元寺寺有唐明皇像會昌中汰天下僧寺州
獨存一此寺也天祐中王審知旣作城壘北方毗
沙門天王以鎮之其謂之天王者唐天寶元年西
蕃寇安西明皇詔不空三藏誦經不空因言北方
毗沙天王神通可以禦之會安西亦奏將戰有神
丈餘金甲而來因勅諸道州府城西北及營寨並
設其像黃滔作碑毗沙門梵音唐言多聞也始自
于闐刹利之英奇膺世尊帝釋之錫號居須彌山
北住水晶宮殿領藥義衆爲帝釋外臣以護南瞻
部洲其道入大乘得無生法恣任聲聞證不還果
我公之築城也恢守地養民之本隆暫勞永逸之

策謂勝莫勝於開元寺尚莫尚於寺之靈山阜寺之良控城之乙祖僧六葉鴈其下珉石一拳星其上劍池徹瀉飛山奔揖足以象水精而瑩宮殿掀廟貌以衛城池擇工之精搜塑之妙製乎聖質俄然化出身被金甲手擎鴈塔地祇下捧天將前擁光灼灼而如將動搖神雄雄而若欲叱咤觀之者皆謂須彌拔宅於是矣于闐分身於是矣而復翼僧堂而右邃膊鍾樓而左突毳錫百萃其夏午蒲鯨六吼其宵加信塵閒之北方連瑩之靈域也寺後山曰芝山芝山東吳時有都尉營置典船都尉造舟此山之麓復有太平寺後唐同光元年王審知於城西南張爐冶十三所備銅蠟三萬斤鑄釋迦彌勒像莊宗題爲金身報恩之寺又泥金銀萬餘兩作金銀字四藏經各五千四十八卷旃檀爲軸玉飭諸末寶髥朱架內龍腦其中以滅蠹蟬唐翁承贊碑而銘之云宋淳熙三山志閩中寺始晉太康之紀因終晉世益二寺而已越二百載齊之寺一梁之寺十七陳之寺十三隋之寺三唐自高祖至文宗二百二十二年寺三十九至宣宗四十一懿宗一百二僖宗五十六昭宗十八殫窮土木

陸書 卷之一 十一 三百三十八
絢寫宮省極天下之侈矣王氏有閩更加營繕增
寺二百六十七費耗過之自屬吳越首尾三十七
年建寺亦二百二十一入宋頽風弊習侵入骨髓
富民翁媪傾施貲產以立院宇者亾限蓋慶曆中
通至千六百二十五所云宋末安撫徐經孫福州
卽景詩潮田種稻重收穀道路逢人半是僧城裏
三山千簇寺夜間七塔百枚燈閩中舊寺之多可
以想見

菩提山

鼓山

鎮山也屹立海濱距城東三十里絕地可十五里
延袤數十里而遙巔有石如鼓或云每風雨大作
巖洞中逢逢若鼓聲其峯則大頂小頂大頂峯一
名劣崩狀若覆釜西望郡城若雲板遠近邨落若
聚沙若布碁東視大海一氣茫然螺髻數點隱見
烟波中相傳大小琉球云小頂峯在湧泉寺後下
視殿閣若騎其尾西望郡城列雉數千市廛闐闐
麗譙浮圖臺門府寺釋老之宮輝霍崇麗鬪出其
間又有香爐鉢盂白雲雙髻獅子諸峯其崗則牛
眠半月眠狗龍春支山則鼓岐蓬岐劍山鼓岐下

臨大江石圓如鼓蓬岐山多巨石劍山臨江有石
 如劍痕嶺則叫佛蕭灣魁崎魁崎上有巖曰劍石
 石約五十餘丈上刻籀文相傳唐黃巢兵經此以
 劍藏石下洞則靈源海音白雲蛇洞而靈源尤奇
 在湧泉寺左下數十級以入西澗貫其中覆以石
 橋澗左右皆石壁削立其左恠石無數小徑逶迤
 至水雲亭南向豁然方山當其前左則永福右則
 長樂皆在几席間當唐會昌時除佛法汰僧有村民
 鑿井三丈餘得一古磚上刻僧晏興法四大字以
 獻於州州承朝禁取磚毀之至王審知請僧神晏
 住持大興法教而碑文始驗其碑蓋得於此洞之
 旁朱梁中甫人徐寅有十二咏有記今俱不存宋
 蔡襄詩靈泉出石竇清吹生篁竹飛毫劃削壁勢
 力忽驚觸李觀詩誰把石崖齊剗削直教雲氣到
 簾帷佳句也白雲洞洞有三天門石磴七百二十
 級而始至洞 皇朝萬曆中僧悟所開蛇洞在
 蓬崎山中山石重疊成洞洞口僅容一人入其內
 豁然屈曲而進莫知所止巖則喝水國師祖師石
 門華嚴應真忘歸懸鍾雲屏佛頭虎窟喝水巖僧
 神晏所居巖也傍有石龕水穿石壁神晏厭其嘈

聒喝轉之水逆東流而西澗遂涸國師巖在西澗
底東壁深廣各十餘丈晏師旣以神力喝涸澗水
遂移居於此嘗掇石乳而食指痕猶存後閩主加
晏號興聖國師因以名也五燈會元師大梁李氏
子幼惡葷羶樂聞鐘梵年十五出依衛州白鹿山
規禪師被削嵩嶽受具於是杖錫徧扣禪關而但
記語言存乎知解及造雲嶺朗然符契一日參雪
峰峰審其懸解撫而印之石則石龜將軍仙跡合
珪金剛雞頭貓絀劍石水則白猿峽浴鳳池羅漢
泉龍頭乘雲神泉竇泉吼雷湫印月潭放生池化
龍池浴鳳池者池中五色雀來浴園林則西舍茶
園董坑荔林硯池寺則湧泉普度衡山湧泉寺在
鼓山半唐建中四年龍見于靈源洞從事裴胄曰
神物所蟠宜鎮以寺請僧靈嶠誅茅爲屋誦華嚴
經龍不爲害因號華嚴臺亦以名其寺會昌寺廢
審知以居神晏乾化二年改名鼓山白雲峯湧泉
院宋爲華嚴寺咸平六年賜寺中御書百二十五
卷御製心輪偈頌十四卷逍遙咏十一卷秘藏詳
二十卷緣識五卷青龍疏六卷秘閣贊九絃琴阮
歌喻言雙鈎書聖教序心輪圖無名說華法日行

誠有益無法帖十二卷大字詩三卷益銘四體五
體書二卷草書孝經千字文孤城詩大顛草書急
就章筆法歌雜字九軸故實九軸八分書千字文
故實真定王碑飛白帝佛二字雜言無注雜言有
注不假詩遠看詩皇祐三年又賜御書二軸飛白
明堂之門篆書明堂至和元年又賜皇祐新樂圖
記三卷院則白雲廨南院浴院南山塔院方丈庫
院庵則圓通老禪靜觀靈源一多癡坐平楚耆義
崇石白雲雲翠南庵泉石東際興善積翠元真東
庵西庵二塔雲際蟄仙南院塔庵雙澗塔庵堂則
選佛恢張觀禊照堂客省地藏老宿東峯獨照負
春海月殿則國師祖師觀音報慈閣則羅漢華嚴
九層毗盧千佛飛錫超几樓則華嚴妙峯齋寮之
屬則頻伸齋首座寮維那寮前資寮旦過寮湧泉
寮白雲寮五老寮老宿寮憨睡室遁室痴坐軒無
寄軒不動軒自牧軒亭則臨滄石門望州天風海
濤水雲湧泉松關觀花後樂普賢境界乘雲半山
梯雲海會圓通東際通霄白雲元公鳳尾天風海
濤亭宋趙汝愚有詩江月不隨流水去天風直送
海濤來朱文公愛之遂書四字於石因名亭也水

雲亭石柱上書蔗境二字詩皆不題名氏淳熙中
四明趙蔗境與滂見之惘然有感題石上云詩題
蔗境不題名墨跡懸嵯碧蘚平遊宦來看心忽悟
前身應是趙先生元公亭嘉祐中爲郡守元絳立
絳詩誰書吾姓揭亭顏棟宇飛甍氣象寬谷口秋
風吹鬢髮海東朝日上欄干臺則應真涅槃說法
橋則東際蹴鰲羅漢圮橋化龍蹴鰲橋仙人黃太
和候官人黃璞五世祖也少好導引年三十餘卽
棄家入鼓山妻子求之不得大順初跌坐其處璞
遊山偶見之問其家世迺知其五世祖悲泣請還
不聽明日率家人往謁不復見矣塔則南院東西
二塔井則羅漢水滴祠廟則閩王祠黃石祠閩王
祠在湧泉禪院祀王審知當審知尊尚神晏之時
四方雲侶聞風雲集審知傾貲給施寵賚紛紜僧
人德而祀之黃石祠在眠牛岡宋熙寧間岡下民
鋤地空中忽轟然聲仰視樹杪墜止香爐遂取以
下翼日有一道人至曰此黃公爐自穀城飛至宜
爲廟言訖忽失鋤民驚異先是龍江畔有商人積
木數千一客至問值遂遍題木數百爲識皆作黃
石二字去涉旬無耗商誕之以斧削題題皆入木

數寸相與駭懼翼日鋤民至具言之商遂以半價歸鄉人爲祠焉蓋鼓山之勝如此矣宋陳烈遊鼓山銘曰鼓巖崩峯頂特窮島夷瀕封域屏閩東拱辰北歲辛亥帝司赤竦神烈從隋陟攀若華揖瑤極呵蜚霆蹙鰲春披雲根殫目力高者仰深必惕謹其至惟古則蓋烈以熙寧四年辛亥與守丁竦提刑沈紳同遊是山而作銘也陳傅良鼓山詩鼓山聞天下一見名不空自從周職方閩在王會中登山亦幾人興寄隨所逢騎君常渴日遷客多悲風劍川發甌西萬阻與海通忽焉得平壤北山矗其東我行未及巔已見國勢雄三韓到吳會不可道里窮俯瞰南來帆云云自朝宗按閩人相沿謂登鼓山之巔遠見琉球故烈銘傳良詩皆及之然予讀給事陳侃使琉球錄云閩中士大夫類云鼓山霽日可望琉球蓋小琉球爾若大琉球借日離婁何從望之後又讀郡人謝杰出使錄謂發舟梅花森無所見僅東沙濛濛睂睫間疾飈斯須旋復失之翊辰求小琉球針弗得迷而東八晝夜迺遇葉壁葉壁者夷北門也逆而南又五晝夜始至嗟乎踰東沙不睹大琉球何有石鼓哉然則味杰斯

言弁不見小琉球也

卧牛山

府城東首山也

王埔山

中有海雷石波濤穿射孔竅豁豁風至訇震有聲其對峙曰湖江山一曰浮江山浮江之後曰文筆山甘泉出焉前有雙龜嶼後有五虎山有青羊山琅琦山福斗山並列海中 皇朝林良箴詩載

酒入江色還從福斗遊委蛇山翠晚洶湧海濤秋與合雙龜近門深五虎浮風恬鯨練靜月出蚌珠流

雲門山

在南洋嶼去城七十里山中有寺多松竹泉石之美有觀音巖彌陀巖泗洲巖獅子石坐禪石五里泉望拜石仙掌石楞迦室吸江亭妙善庵石筵妙善庵有宋孝宗書額石筵僧安永作頌有路遶懸嵯萬仞頭擔泉帶月幾時休之句南連芹巖蒲峯後灣石龍諸山長江前繞江中琴旗雙魚嶼峙焉

衡山

枕閩江之左元和圖志閩郡有衡山一名霍山形

如鍾甬路接鼓山下有龍脚石突跨江側長七八丈

鳳洋山

兩峯相應勢如搏鳳山頂有仙亭遺址石床棋枰几案舊傳仙人王進才飛昇於此峭壁刻登龍二字地名龍門

嬰臺山

傍有銅斗山天馬峯下有傳野橋龍溪之水出焉

鷲峯山

上有馬面潭歲旱禱此

盤石山

山頂三石高十餘丈上疊一石方如棋盤天欲雨雲出焉迥港繞其下水出衡山之龍溪為灣三十六合流注閩江港口有石橋風恬瀨靜綸網集焉

石門山

南接湖林北連濂山山兩旁壁立上有二石峭拔夾峙其傍山曰重雲山中有巖平坦十餘丈中有龍井

金雞山

秦始皇時望氣者云此山有金雞之祥斲山春以

厭之其所斲處人行爲巷號雞公巷山北漸高曰
青鶩桑溪之水出焉

龍窟山

亦名曲水閩王流觴處也溪東荔支林唐宋時荔
支最盛傍有三友墓 皇朝弘治間有徐吳林
者三人莫逆也死而同穴在金雞山後山古有穴
蟒額帶王字人以爲龍而祀之有嶺曰獵嶺有崗
曰雞心巒西連奇山山多恠石其諸小山曰峭谷
山曰東湖山東湖山宋林觀過林夙之居在焉

鳳丘山

去城五里有朱文公大書鳳丘二字又有鶴林二
字宋彭耜修真地也耜師白玉蟾作問道二編得
太乙刀圭火符之術玉蟾自謂於耜仙家父子云
其隱此山與妻潘藻珠烹煉後俱尸解詔封鶴林
真人白玉蟾爲耜作龍雷閣記曰福之爲州有寓
公若隱君子者彭季益盛年吏銓得選迄不調闕
揚袂而歸耜其名鶴林其號從赤松遊蔑屑人間
事道出於深造法本乎自然年四十三益自尚不
屈嘯命風霆廣求民瘼雖吏而循良不是過也

東山

去城十里有大同大乘二寺大同寺梁大同六年
置大乘寺十二年置皆律寺異居而食同合而名
曰愛同寺唐神龍中律師懷道懷一相繼居之會
昌中廢大中十一年復之合爲一尚星居宋天聖
元年主僧戒華改爲禪刹元祐中門下侍郎許將
請爲功德院有西院大律師碑劉太真撰于頔書
有羅漢堂記有虞公庵虞寄隱居地也五代陳書
寄字次安餘姚人虞荔弟也聰敏好學冲靜有栖
遁志弱冠舉秀才對策高第起家梁宣城王國左
常侍岳陽王譽爲會稽太守寄爲中記室領郡五
官掾簡畧持體曹局寂然侯景之亂隨荔入臺及
城陷遁還鄉里張彪往臨川强寄俱行彪將鄭瑋
嘗忤彪寄與同舟刼奔晉安時陳寶應據有閩中
得寄甚喜陳武帝平侯景寄勸令自結寶應從之
迺遣使歸誠承聖元年除中書侍郎寶應愛其才
托以道阻不遣每欲引爲僚屬寄固辭獲免及寶
應結婚留異潛有逆謀寄每諷陳逆順旣知不可
諫止迺爲居士服拒絕之常居東山寺稱疾不復
起寶應遣人燒寺中屋寄安臥不動親近將扶寄
出寄亦不避所縱火者旋自救之及留異稱兵寶

應資其部曲寄因書極諫勸與異絕遣子入質寶
應大怒以寄人望且容之及寶應敗走夜至莆田
顧謂其子扞秦曰早從虞公計不至今日寶應既
擒寄以先識免禍文帝尋勅都督章昭達發遣寄
還朝後除東中郎建安王諮議加戎昭將軍寄辭
以疾王於是令長停公事其有疑議就以決之太
建八年加太中大夫後卒寄少篤行造次必於仁
厚至臨危執節則辭氣凜然白刃不憚自流寓南
土與兄荔隔絕因感氣病每得荔書氣輒奔劇危
殆者數前後所居官裁暮月便求解退及謝病私
庭每諸王爲州將下車必造門致禮釋鞭板以几
杖侍嘗出遊近時間里傳相告語老幼羅列望拜
道左或言誓爲約者但指寄便不欺其至行所感
如此有聖泉寺在愛同寺唐西僧懷一居此時苦
乏水一日二禽鬪噪于地持杖觀之杖所卓處泉
縷縷出俄而綾紋波湧懷一環石分之南注者以
爲池東注以供汲澣蔡襄有聖泉詩注云俗傳泉
湧則民安是泉涸十餘年矣今始湧也有文殊般
若寺唐景龍四年建寺後有山故產金山有多寶
塔唐永泰中代宗書額有懷道塔碑唐李邕作懷

一塔碑唐皇甫政作塔中有天降舍利松不棲禽
樑不巢燕池不產蛙庭無凡草之異有榴花洞唐
永泰中樵者藍超遇白鹿逐之度水入石門始極
逼窄忽豁然有雞犬人家主翁謂曰吾避秦人也
留卿可乎超云請歸訣親舊迺來主翁與榴花一
枝而出撫而尋之恍若夢中黃裳詩一枝樵客夢
兩腋石門風有神移泉寺居高汲遠唐開元中僧
守正方心念之一夕泉迸寺側往視遠井則已涸
矣有龍首澗宋許將肄業之所又有清音碧巖二
亭將詩黃葉入秋山出地白雲臨晚海垂天佳句
也有文殊巖巖有古像歲久塵敗夜忽現光林越
閩帥飾之有獅子峯象形也熙寧二年守程師孟
建亭峯西澗建炎三年嗣濮王仲湜書有涵虛沼
僧惟嶽詩碧虛涵沼涵虛涵圓同絕欠餘月
夜麗虛知是影更謀臨沼照蟾蜍有松塢一曰松
塢有松高大宋初物也松身有錢昱留題景致逼
神仙心幽道亦玄僧閒來出世松老不知年有天
台井有靈芝塢有夜光臺有蟄龍淵有神僧室有
鑑淨軒有山輝堂有御書堂藏宋太宗所賜書有
羅漢堂有放生池又江右里亦有東山西連盤石

東接象嶺山傍有石洞豁然明朗曲折深邃內有
二石如床名仙石床

長樂山

閩越王時山間居民夢神人乘白馬至此因名白
馬山僞閩改閩縣爲長樂易今名有淨土寺梁時
州人鄭昭勇捐宅爲之唐會昌中廢爲白馬廟咸
通中郡人迎僧惠筏居之及夜有戎服若拜而辭
者或見乘白馬去觀察使李景溫因撤爲寺號東
禪淨土惠筏化後禧宗詔謚爲辨才大師宋紹興
中爲光大藏 皇朝成化改曰東禪寶峯寺寺

有米芾書額有大藏經版有畫像有宋徽宗賜僧
達泉御書有東野亭蔡襄書額有比部鄭劉照以
下詩十一首有清陰亭有太守劉璿以下詩十首
有芙蓉閣有鄧正言肅詩有放生池有小蘭亭宋
郡守禊飲處山陰有溫泉焉東禪寺有海印庵
元至正中僧雲谿建號梅邊小隱又曰水竹幽居
與客彈琴賦詩其間貢師泰陳高俱有記山南爲
三昧山惠筏塔在焉

茶園山

發脉金雞山山南爲寶月山僞閩王延稟爲王仁

達所敗奔此

藤山

自天寧山而東為此山地脈起伏如瓜藤其地多梅有梅花塢又東一峯曰鰲頭繇藤山發脈聳而反顧又東為壺嶼山石室山山東有井泉亢旱不竭

高蓋山

上有仙壇壇有池曰青龍俗曰天池有峯曰徐女相傳水仙之女也採苦參服食於此又名苦參其後參皆甘矣山有洞曰蘆灣洞口有棋盤石有井曰仙人相傳有牛墜其中牧童疾歸告父兄出之至則牛已出井上有溪曰桃花元陳億翁種桃數百本每春時眠食其中花謝廼去因以為名山之南齊姓居之曰齊坑山北王姓居之曰北園

釣龍臺山

出寧越門二里曰橫山迤西南為惠澤山一名獨山為南臺山崇阜屹立俯瞰巨潭臺上可坐百餘人舊記越王餘善釣得白龍於此遂築臺表瑞臺高四丈週迴三十六步名釣龍臺山今市廛矣有宋米芾書全閩第一江山趙汝愚隸古南臺皆刻

石上又有達觀亭碧光亭宋時諸公皆有詩亭西
閩王無諸廟在焉漢遣使封無諸孫丑爲繇王授
冊於此因卽此立廟祀無諸其後繇王居股降漢
祀廢至唐大中十年建祠宋因之號顯聖武勇王
廟有左右二王意王將也熙寧中閩兵戍熙河二
王現雲端大戰獲捷政和間戍桂府征蠻之際二
王復現降大雹飛黃蜂以退蠻兵宣和二年浙寇
竊發連陷數郡將及境提刑俞向自建安領兵南
下黃蜂數萬隨舟蔽江居民咸謂神助大新祠宇
建楹之時有青赤二小蛇蜿蜒香几間累日暨上
樑俄兩見跂首北向移時旣奉二王像入廟二蛇
又現及廟成俞向臨奠前夕夢有神人青色以遷
祠謝禮畢青蛇忽現左王神前色如夢中禱右王
現神赤蛇亦出邦人信敬益篤州以聞朝勅賜廟
號武濟六年進封閩粵王爲鎮閩王左王靈應侯
右王顯應侯建炎四年再加封號紹興三十一年
膠西之役舟師禱戰獲捷王加封英護并封王夫
人曰贊靈左侯加協威右侯加翊忠廟循漢制王
西坐夫人東坐元時封真君每歲六月望前後鄉
人舉瓜蓮會爲報祭 皇朝洪武十年布政使

葉茂禱雨有應以聞中書下禮官議從神故封稱
 漢閩越王之神右叅政瞿莊為文刻石系之詩曰
 炎荒之隅閩海濱赫燦照耀光郁分維王奕葉神
 禹孫首驅虎豹鋤荆榛殿此荒服保黎民幹旋機
 軸轉化鈞謳歌來歸赤帝尊鐵騎汗血趨崑崙手
 扶烈日開冥昏彤弓旅矢昭殊勳草木衣被生陽
 春漸摩風教俗以淳秀民挺拔宣人文甘棠蔽芾
 森若雲翼翼遺廟今尚存歲時報祀羅酒罇手薦
 蕙馥香苾芬翕張造化叅乾坤神靈赫若搏桑墩
 臺西有靈溝廟其地故名洪溝元至正間潮水漲
 溪忽一浮槎泛溝累日鄉人異之奉之巨石之上
 是夜鄉父老咸夢一緋衣神人謂曰素習岐黃濟
 利功多今當廟食茲土父老即其處立廟服神香
 燼百疾皆愈因號靈溝醫官大王又有堤名新豐
 市堤唐翁承贊冊封閩王審知還朝於此餞別承
 贊詩有登雲樓上方停樂新市堤邊又舉杯之句

葫蘆山

一名梁山上有紫臺邦人勝遊為扈嶼為橫嶼為
 劉嶼為紫微巖唐有紫微公於此得道輕舉宋陳
 民先詩碧落已驂丹鳳駕紅塵空望紫薇巖為五

仙巖巖五石並列中一石高起二十丈許攀緣無
路意獨神仙得遊之爲文筆峯爲三琅峯爲百六
峯以自清廉里之方山至此爲峯凡百有六十其
可記者爲玉水峯爲富山峯爲貪狼峯爲蓮花峯
爲方巖峯爲白鹿峯爲古城峯爲飛蓬峯爲紫苔
峯爲太平峯爲金仙峯爲天柱峯爲朝陽峯爲金
欄峯爲起雲峯爲寶臺峯爲大座峯爲玉蕊峯爲
雙童峯其旁小山爲石鼓石壁岱頂岱頂之南峭
壁數仞下有羣潭焉

東峯山

高不亞鼓山俗呼東峯鼻脈連五仙巖峯頂巨石
有仙人跡

塔峯山

突起平地里名尚幹宋鄉人林津龍積官至尚書
幹故名

木嶼山

連於塔峯週遭有江三江淘江潮汐通焉

國書卷之二

方域志

福州府

閩縣下

侯官縣上

山

方山

一名五虎山九臯東向四面如城郭突兀端方省
 會南有三案是山削拔秀碧又出二案之上正直
 閩藩顧取名為五虎若於菟然古時既作譙樓可
 五十仞鎮之而閩藩出樓下亦杜正門旁出以避
 之漢仙人介琰嘗隱此山列仙傳琰不知何許人

任建安方山師白羊公杜泌受玄一無爲之道能
變化隱形嘗往東海過秣陵吳王孫權禮之爲起
靜室日遣人問起居琰或爲童子或爲老翁無所
食琰不受餉遺吳王欲學其術琰以吳王多內御
不傳吳王怒縛琰着甲兵引弩射之弩發唯繩索
存不知琰之所之傳云任方山而以屬建安者漢
時未立晉安也上有阿育王塔陳天嘉元年置有
方山寺有石壇石床石碁局有靈壁巖山之陰有
峯隆然逆馳而西曰黃巖鄉人於此禱雨又有巖
曰靈源溪中有鯉魚石甚奇四周橘柚其味特甘
可食而不可竊唐天寶中賜號甘果山有唐賈島
章敬國師碑銘按章敬國師碑銘權德輿所撰而
島作未見或權撰賈書也德輿碑銘師懷暉姓謝
氏東晉流寓今爲泉州人孩提秀發博究書術一
旦慨然曰我之祖先今安在耶四支百體視聽動
用孰使然耶漼然雨泣改服緇褐志在楞伽行在
曹溪得圓明清淨之本去妄想因緣之習百八句
義照其身心心離文字化無方所於是抵清涼下
幽都登徂徠入太行所至之邦被蒙法味止於太
行百巖寺門人因以百巖爲號焉元和三年有詔

徵至京師宴坐于章敬寺每歲召入麟德殿講論
 後以疾固辭十年十二月二十一日恬然示滅其
 年六十其夏三十五弟子智朗志操等以明年正
 月起塔于灞陵原凡一燈所傳一雨所潤入法界
 者不可勝書三山志無名氏詩到山不識山面目
 但見九臯盤溪曲歸來兀坐小窓下倚天百里剖
 寒玉宋守王達詩衆狀皆奇險茲形獨擅方坦夷
 中砥礪端正外青蒼 皇朝林枝遊方山記余

以永樂庚寅冬繇龍嶼入董塘取路登山蹊徑峻

峭至谷口兩崖盤石爲寨門甚隘陳友定從事集
良初所築以禦寇也稍進有宋人石刻模糊莫辨

內則平田數頃溪流屈曲入寺荒穢惟餘殿基從
 橫木橋過小溪石逕茹屋數間有老翁止宿小軒
 地爐煨楮枳迨曉繇雲居寺後巖度山崗止盤石
 復踰數里至山巔是爲福州巖平坡一望皆短荆
 無林木其前則懸崖直下視水西水南新墜陽墜
 陽鳳岡洪塘積蘇累塊也繇山南至大座巖巖前
 盤石上有仙跡之奇繇石梯嶺而歸路僅容尺懸
 崖斷塹上下如羊腸回視向着天際矣陳叔剛遊
 記水南山最高者曰方山山巔多古蹟宣德癸丑

外兄林孔傳造士黃士廉等八人邀予緣平麓而
上行二里許始陟所謂虎頭者四望遠近諸山皆
蟻封上崕之錯置蒼莽間耳巨石可坐數十人又
一石狀如牛舌橫架諸石上面鑄神仙所居及怡
山良石八字竝石下窺峻絕數千仞士廉邀衆客
坐飲其上酒數行風氣薄人亟移席南行二里許
山間得鯽魚石而憇石大類虎者首尾乃似鯽魚
列肴其上堆石爲磴環坐劇飲夕陽旣西乘輿過
廢寺址訪僧無率斷碑冀盡山中諸景天欲雨亟
返焉

浮峯山

俗傳潮盈則山浮其西曰籌岐烏石巖巖東爲玉
壺山上有三台石相傳此石自武夷飛來山之別
支有文筆山大江環其下

九龍山

去城七十里高插天表嶺曰狂牛潭曰昆濟
皇朝成化間鄉人車水漑田見其下有天書昆濟
潭穴通馬江爲龍湫其支爲唐嶼西曰洞山有獅
子石下爲洞江

清涼山

城門山

中有仙跡巖一名法水巖有跡如傾水苔不能蝕
巔有鰲頂峯峯東有魁星巖中有飛來石石西有
龍觀井南為虹橋可響卜為真隱院有且止堂今
為公館宋吳干且止堂詩無心終日看雲飛空梵
猶如鳥跡遺欲問堂中常住相黃花翠竹幾人知
大象山

去城六十里為城南大障峯曰銀峯山頂石色如
銀嶺界長樂縣亦名銀峯嶺其支曰西峽山下即
西峽江曰文殊高百餘丈曰珠山迺遭溪水環遶
九山俗名九龍戲珠曰黃石脉連珠山有蟠龍之
勢皆江上山也

白田山

晉太守嚴高欲徙郡治焉產蕉可布嶺曰蕉嶺坑
曰蕉坑溪曰蕉溪

圓頭山

馬山

玉枕山

在峽江南驛道候潮之所巔有枕峯吉祥二寺及
嘯霞洞秋塢紫屏上冷泉青田坂諸勝麓有枕嶼
其傍曰柘枝山有白雲谷卧龍岡鳳巢白牛嶺鳴

風厓諸勝

白鹿山

有白鹿寺唐元和四年永嘉僧道洪自溫陵來父老相邀居此誅茅之日白鹿適至下有白鹿溪

青洋山

界福清

梁山

一名金鰲峯五代時徐知證知諤平閩屯兵處也知證知諤徐溫之子而南唐李昇故溫養子也昇

既傳位為皇帝封知證江王知諤饒王知證知諤嘗下江平閩閩民慕戴相率建生祠山北圖像奉

之一日謂眾曰不恐汝違來歲當別及期相繼化

去未幾神降於人言金奉帝命列職斗宮以祐下

土於是閩人立靈濟廟祀之稱知證曰九天金闕

明道遠德大仙顯靈博濟真人江王知諤曰九天

玉闕宣化扶教上仙昭靈博濟真人饒王祀禮既

虔禱無弗應祠下有潭遇旱禱潭出赤蛇雲起雨

注歲則大熟潢溪霖潦暴溢民庶倉皇望祠致懇

忽有役夫如雲畚鍤疏淪水不為患而竟失所在

宋熙寧中閩人劉彝如桂州禦蠻寇韓世忠戰大

義鎮吳玠戰和尚原皆得神助他諸福民奇効尤
數 皇朝永樂十五年 成祖皇帝寢疾

試藥罔効夢神自海濱來見尋愈明禮官上言聞
中有靈濟廟二真君應禱有靈 上專使函香

迎神京師作洪恩靈濟宮於城西南復加知證曰
清徹洞玄冲虛妙應慈惠洪恩真人知諤曰高明

弘靜冲澹妙應仁惠洪恩真人勅闈有司大新廟
宇虔潔春秋歲易時衣給洒灑五戶御製碑文系

之詩曰天產英靈爲世傑出入幽明猶一覘生著
勲勞保甌粵沒爲明神崇偉烈茫茫海甸倚芄樾

雨賜寒燠調以燠冬無凌競夏無暘冷氣遠殄靡
颼颼下稔高黍歲穰桀驅掃不祥定妖孽晨鐘暮

鼓樂巒峯卓彼鰲峯峻且截蛇蜒迴抱天造設春
蘭薦芳秋菊秘寒泉白石漱清潔神之遊今羽葆

翳飛雲翩翩道幢節歛來忽徃靈僊僊呼吸響應
速以偈濟利溥博無時歇四時報享繁獻醴衛朕

之力疇與埒書恩著德勒堅碣垂示萬古昭日月
廟在京師者二真君生辰及聖旦元旦冬至皆有

祭歲凡五時食薦新久之復封温爲真人母仙妃
正統二年加知證曰九天金闕明道遠德大仙顯

靈溥濟清微洞玄冲虚妙應茲惠護國庇民崇福
 洪恩真君知諤曰九天玉闕宣化扶教上仙昭靈
 博濟高明弘靜冲澹妙應仁惠輔國祐民隆福洪
 恩真君成化二十二年加稱二神為金玉二闕上
 帝五年一遣使下閩中齎送黃衣三年一送紅衣
 換袍焚化復加封温為高上神主慈悲神父聖帝
 母與妃皆稱元君 孝宗即位禮部尚書周

洪謨言金玉二闕上帝雖有保護 文皇之

功故封真君已為隆重其父温本專權弑主之臣

因子得祀亦既榮矣一家之人稱帝稱君祭告網
 繆焚香奢靡閩中道路迴遠尤復勞人僭擬煩費

莫此為甚有旨革去二真君并其父母妻帝號封
 號仍舊在閩中者六年一遣使送換衣袍然京師
 之廟終虔奉不輟嘉靖中六年一遣使以太常寺
 官屬一人萬曆三年停遣第令本布政司送掛

飲井山

山有井泉味佳不涸

新安山

上有石羊石跪伏石盤上如羊相傳自會稽飛來
 有嶺曰大步西有唐陳礪廟礪觀察使巖之兄也

閩書 卷之二 八
故與同廟祀于里之蘆川宋嘉祐七年春一夕大雷雨香火遷于山西麓

石鼈山

山枕江濱上有三石形如鼈中一山聳起平田去山南一里如蟠龍有溫泉井山左有拏公廟拏公者拏舟漁父也海舟入閩當自菱口港道迴泐莫知深淺皇朝胡深下閩有拏舟漁父引之以入蓋神人也故廟祀之

玉頂山

下有龜嶼一鄉勝境

君山

上有崑崙石室下臨潭曰馬面仙潭

朏山

有石若芝名仙芝石又有三生石九眼泉凡十八景

石山

院跡山

磕下山

疊石山

前有靈泉下臨絕壑鉅石周匝又有疊石傍繞如蟠龍

平山

閩書

卷之二 方域

九

益

在鳳山東宋少帝航海時駐兵於此以其崎嶇剴
而平之 皇朝林瀚平山懷古詩翠輦金輿載
恨遊豈緣南越覓丹丘鐘聲落日孤村寺海色西
風萬里舟玉氣銷沉天地老胡塵溟漠古今愁傷
心最是濂江水還繞行宮麓下流有九曲山有薰
風隴南華峯蓬萊橋錦繡谷逍遙臺俱有篆隸石
刻甚佳

甘泉山

在平山南山多巖石少中木泉湧石上色白味甘
烹茶釀酒土人輒能辨之 皇朝林瀚祖墳在

其下林家三世爲尚書東爲瑞迹嶺唐大中六年
游客邵環聞異香見白光亟往卽之化而爲佛須
臾入枯木光亦不散隨現巨跡於磐石後人刻一
隻偶之刻跡尋滅因鐫像曰白佛名寺曰瑞迹南
爲邵崎爲翁崎有山曰大翁 皇朝林鴻翁石
山房詩玉澗隨深處蘿衣謝時早幽棲同鹿門勝
地卽蓬島曰傳坑山前有圓石俗號金鷲菴卵曰
清涼曰石几

垠峯

有蓮花嶼可觀日出峯東龍井水甚甘冽

古嶺

下有鐵鼎潭

皇朝永樂中有龍潛焉又有車

函觀音潭

婆嶺

象嶺

鷺臯嶺

栢嶺

青布嶺

石湖嶺

螺嶺

以形名峻如懸梯北嶺方山如在咫尺

常思嶺

嶺在義溪南二十里高數百仞袤三里許又名相

思嶺在本縣東南盡處出頒春門也宋王珪送元

絳守福州有頒春莫向相思嶺之句

動石

石在西坑指之可動合比里亦有之

叢巖石

龍門石壁

石步石

石船

石籠

磕下石

老子巖石

在府城東南如道士冠帔立而執簡俗呼老子

前嶼 後嶼

官母嶼

嶼有巡檢司在海中五虎山之五虎門

洋嶼

猴嶼

殷嶼

獺嶼

竹嶼

鹽嶼

芝嶼

閩書

卷之二

方域

七

曾魁

閩書

卷之二

十

二百七

閩書
卷之二
二百十一
螺洲

川 水利附

閩江

源出浙之龍泉建之浦城崇安又合建延汀邵及古田閩清永福大小諸溪之水至此入海大抵閩江承建劍上流谷隘川激至馬瀆山漸廣而緩至馬頭則衆流所匯浩瀚無涯視而名之曰閩江所異者隨地取名耳

下洞江

馬頭江右港也中有獅子石與方山對峙巨浸不沒諺謂水浸方山鼻不到獅子耳

南臺江

越王釣龍處也上有萬壽橋元翰林學士馬祖常橋記福建平海頭陀王姓法助其名世泉南農家年十二爲沙門研窮內典洞了佛乘日發猛勇以畢至願嘗見濟江之舟愍惻先知曰是必及難止之弗聽暴颶卒起舟尋以溺師又麾翼縮潮海濱埭田得不蝕嚙粵閩會城三面距江水下自高亂石錯出迅湍回洑折千里滙爲南臺昔之濟水浮舟爲梁連以大絙洪潦驟漲絙絕舟裂民多溺

歿師將橋江以利涉者命弟子吳道可奏聞天子
 褒嘉詔師成之於是大姓割財小夫奏力閩鹽轉
 運使王某率屬合治廼為墩二十八植木礮石腹
 而基之工未告竣師已化去徒實終卒之長百七
 十丈有奇仍積其贏資及故端明殿學士王君某
 捨田歲入岸南北為寺御史中丞曹公名橋曰萬
 壽寺如其橋名

瀨江

亦名淘江與西峽江相會

上洞江

馬頭江左次港也

峽江

兩山夾峙納汀建延邵之溪流以入于海廣而且
 深中流有石屹然名曰浮焦焦下有潭名中焦龍
 潛焉

西峽江

受永福印溪之水流十四里與東峽江合

東峽江

南臺西峽二江合流於此

琅崎江

大定江

與南臺江合派

馬頭江

東通大海既廣且深中有馬頭石潮退則現是有
投桃之洲洲形如桃洲上田可千畝

演江

一名蜺源出山谷

善溪

舊名鱒溪在鼓山之北木乘之南山峽間有二潭

下潭距上潭五里其廣六丈深不可計昔閩越王
郢第三郎騎射於此射中大鱓鱓躍出以尾纏三

郎人馬俱溺土人爲立廟號白馬三郎唐貞元十

年觀察使王翊旱禱得雨太和元年觀察使張仲

方率僚屬旱禱歸至聖泉寺雨已至作詩曰入門

池色淨登閣雨聲來僚屬皆和之團練副使李貽

孫旌旆憂民至風雲逐馬來判官李敬彝雨隨青

嶂合雲拂畫旗來內供奉侍御彭城雲陰隨雨度

桂馥逐風來咸通六年觀察使李瓚奏封龍驤侯

梁貞明中王審知奏封弘潤王宋慶曆六年夏旱

蔡忠惠襄爲文往禱讀畢大雨命令賈太冲新其

祠文學范宗韓作記熙寧八年勅封冲濟廣應王
紹興十一年以張丞相浚奏增封顯應仍賜廟額
曰永寧十七年秋大雨中夜水暴至聲聞數十里
詰朝有石高廣可二丈峙廟後水左右注庭除無
恙紹定五年李大卿駿奏增封孚祐淳祐八年陳
侍郎塏爲卿帥率閩令眉山師輿致禱因閱廟前
華表扁曰鱣溪詢其故則土俗疑傳以鱣爲靈不
知靈王之殺鱣也遂命師輿易名曰善溪判云善
溪龍潭故以神能福善利蘇焦稿方言以爲鯀鱣
之鱣鱣微物也能化龍而雨乎師輿因爲之記孔
子仁者樂山智者樂水易曰仁見謂仁知見謂知
閩東舊有鱣溪溪分二潭神實居之帥守侍郎可
齋陳公早禱上潭疑其訛謂舍魚取善善嘉號也
心善淵也茲非善者見之謂之善乎可齋之名斯
溪也一洗固陋善與人同千古在後越王之宅斯
土也一靈如在福善好直百世在前昔唐人守占
括有善政改惡溪曰好溪柳子省愚溪之對昌黎
寢惡溪之文吉水廉泉慈湖直瀆可齋斯名蓋將
美談後世金價齊聲者矣宋李忠定綱詩千年鱣
骨專車在百丈龍湫瀑布垂

大坑溪

源出青陽

東崎岳溪

浩溪

荷溪

地名龍井中有躍龍潭

孟溪

溪難方舟第資灌溉北有香爐峯

桑溪

在獵嶺下以傍有桑園名越王無諸嘗流觴於此

榕溪

一名麻溪達于西峽入于海在青布嶺舊記白鹿

山入十五里號榕溪橋跨其上曰綠榕橋達于義

谿大田驛在焉有榮繡坊宋陳愷典鄉郡制祠有

榮哉此行何異畫錦之語故以名坊

苦竹溪

在金鰲峯下金鰲峯左有龍湫潭激水湍急下通

此溪

大橋河

新河

馬面潭

在大江之上

直瀆浦

南從江岸開河口通潮北流至海晏門為灣橋浦
又北通東湖以其直如溝瀆

三角池 湯泉 溫泉 十槽湯

內湯井 外湯井

蘇公井

在城中凡九又城外九井亦名蘇公井皆宋提刑
蘇舜元所掘

天台井 更門井

侯官縣東抵連江西抵閩清南抵閩縣北抵古田縣
名起於漢建安隋省入閩縣唐武德中於福州城北

三十里復置此縣貞觀五年省入閩縣長安二年析
閩縣西十二鄉復置貞元五年水團練觀察使鄭叔
則奏移入州城元和二年省五年復置偽閩龍啓元
年改為閩興以長樂為侯官三年皆復舊宋元如之

皇朝仍舊萬曆七年併懷安縣入焉懷安縣則
宋太平興國六年郡守何允昭奏析閩縣之九鄉八
千戶所置也鄉二十領都六十一統圖百一十五

桂枝鄉 唐元間以里人
陳去疾登科名

右一坊圖四

西南關廂圖一

宋延福里咸平間劉若虛登第歸鄉大父母俱無恙郡守謝泌改爲榮親里以寵之

右三坊圖四

宋永平里

東孝悌鄉

草市都圖一

宋孝順里

山曰大夢 貴安 池曰方池 平章 井曰貴安

一都圖三

宋永欽處仁正節美宅四里

山曰鳳山 恬山 後山 鳳凰

高安 清泉 未山 石山

嶺曰祭酒 東岐 池曰長定官 放生 井曰飲井

十六七都圖五

宋馴翬里

溪曰小日

三十五都圖一

宋安平里

湖曰陳湖

西孝悌鄉

舊名脩文宋改今名

十二都圖二

宋揚名惠化二里

石曰石門

十三都圖三

宋招賢順平二里

山曰石門

龍潭 江曰馬瀆

十四都圖一

宋齊禮里

山曰藥山 石曰靈石

西山

勝業鄉

二都圖九

宋孝成新安方岳方興四里

山日洪山 妙峯
江日洪塘

脩仁鄉

三都圖三

山日歷山 旗山
嶺日大夫

四都圖四

宋海平靈鳳
綏平三里

山日厚山

五都圖二

宋遷
蝗里

山日赤塘 鳳山
華棟

十都圖三

宋永
康里

山日赤塘 鳳山
華棟

永安鄉

十九都圖一

溪日龍溪

二十二都圖一

宋永興清 溪日大目
化二里

二十五都圖一

山日梅埔 小箬
山日

二十九都圖一

宋嘉祥
東里

山日永隆庵
峯日雪峯

二十八都圖一

山日雪峯 丁山
松嶺 雙髻

三十二都圖一

宋嘉祥
西里

三十四都圖一

宋保安上 溪日蒙溪
下二里

石門鄉

十五都圖一

宋九功上
下二里

洲日甘蔗

十八都圖一

宋歸
德里

山日唐舉

三十六都圖二

宋萬
安里

山口葛岐

東太平鄉

二十三都圖一

宋安仁里

二十七都圖一

宋東安里

嶺曰黃沙

西太平鄉

舊為元豐宋改今名

十一都圖一

宋旗亭志節惇和永寧興和加川疇川七里

山曰龍臺

雲頂

南山

嶼頭

下崎

斗門

嶼曰董嶼

月嶼

環嶼

江田螺女

二十四都圖一

宋仁德里

五芝鄉舊令善鄉宋改今名

六都圖一

宋清政里舊名真正宋避仁宗諱改

嶺曰湯嶺

七都圖五

宋名光三秀二里

山曰大象

尋山

蘇岐

崎頭

江曰黃岸

八都圖一

宋新興里

山曰古靈

福頂

嶼曰月山

石曰蟠龍

甘泉

泉曰安德

井泉

山曰龍湖

小臺

以上侯官縣

泉曰天湯

子城坊圖四

右二坊圖二

感應鄉

一都圖二

宋西安安康欽德贊城清平五里

崇業鄉

宋墩業鄉

二都圖四

宋鍾山擇善開化太平忠信五里

山曰靈光

石岳

後山

太平

閩山

卧龍

浮倉

峯曰爐峯

溪曰洞溪

靈山鄉

三都圖一

宋立德里

山曰昇山

保福

鳳池

嶺曰大夫

馬鞍

四都圖一

宋懷賢越城遵

嶺曰長箕

杜塢

山曰龍腰

壽山

八座鄉

五都圖一

山曰龍窟

黃巖

嶺曰北嶺

芙蓉

六都圖一

宋觀風孝仁温泉高遷稷下五里

嶺曰湯嶺

承平鄉

七都圖一

江曰黃江

八都圖三

宋接下黃信順安孝悌安上五里

移風鄉

九都圖三

山曰龍安 楊崎
鳳冠 柯嶼

十都圖二

宋長壽崇福清善
均化楊崎五里
山曰吳山 嶼曰盤嶼
江曰苗澤 仙崎
溪曰吳山

十一都圖五

山曰仙崎

積德鄉

宋恭順高陽孝廉
勝平待賓五里
山曰南陽
洲曰芹洲

十二都圖二

侯官鄉

十三都圖二

山曰西室 沙溪
嶺曰梧桐 江曰石邑
溪曰桐溪

十四都圖一

山曰龍跡

十五都圖一

宋清泰安定北平德風
靈運超勝江陽七里

同樂東鄉

山曰瓜山

十六都圖一

山曰瓜山

十七都圖一

山曰瓜山

十八都圖一

山曰瓜山

十九都圖一

山曰瓜山

二十都圖一

山曰瓜山

二十一都圖一 宋施化前屯西屯後屯四里

同樂西鄉

二十二都圖一

二十三都圖一

二十四都圖一

二十五都圖一 宋興城焦溪前屯中屯四里

以上故懷安

右附郭

山

烏石山

在城西南隅與閩縣九仙山東西對峙唐天寶八載勅改曰闔山宋志僧神解記有三十三奇後益為五十五日石龜山石如龜者舊恐其靈而輕舉竅龜勝焉曰射烏山一云九日山相傳九日登高引弓落烏曰鷓浴池亦如九仙山古記之云曰四聖院院奉梁武帝誌公和尚婁約法師傳大士曰華嚴巖唐嗣聖中有僧於此持誦華嚴經一夕雷雨大震劈石成室巖頂刻李陽水篆般若臺記是篆與處州新驛記縉雲縣城隍記麗水忘歸臺銘當世寶為四絕曰盤陀塔山頂有古磚塔門忽裂

現一真身郡人陳公云爲兒時見石橋上有盤陀和尚真身塔記末云天足元年建曰南澗寺在神光寺東梁時居士蘇清捨宅爲之唐乾寧二年閏王創天王殿三年號南澗護國天王合庵十二爲寺以居澗旁故名南澗上方有石佛像唐天寶中雷震而出歐陽詹記云萬物闐闐各繇襲公無襲無公而忽以然苟非妖怪實爲珍慶斯石像者其珍慶歟始孕靈韞質兆朕未見則峩峩巨石巖峭山立鎮郡城之前阜壓蓮宮之上界海若鞭而莫動天時泐而終固皇唐天寶八年五月清晝忽騰雲旁涌驟雨來集驚飈環駭軒訢香冥雄雄者雷驕然中震迸火噴野大聲殷空岑嶺躩踞潭洞簸蕩須臾風雨散雲雷收頃劈輪困斬然中闢南委地以梯落北干霄而碣樹不上不下不東不西亭亭厥心隱出真像三十二相具八十種好備列侍環衛品覺有序莊嚴供養文物咸秩端然慈面儼矣儀形似倚雪山而授法如開月殿以趺坐異矣哉不曰博聞乎未聆於既往不曰多智乎罔測其所來曰神光寺唐爲金光明院後唐監軍孟彪南莊也請於朝捨爲寺宣宗夜夢神人發光殿庭覽

奏異之賜名金光明院後改為大雲有桂月蘭若
 紫雲禪窟幘頭石諸勝曰仁王寺晉天福三年閩
 連重遇造有雨花閣橫山樓曰五百羅漢寺貞明
 五年王審知夢梵僧數百奕奕有光光所至處有
 雙檜金池而秀一僧擎跪前曰王能飯吾於此乎
 及旦訪得如夢中寺而堂之命池曰浴聖檜曰息
 聖曰頭陀巖安文頭陀遊南澗寺莽蔓中得一竇
 仄足入宴坐其間僅可容身磨崖云客至不點茶
 相看淡如水白雲深谷中穩坐浮生理普眼庵亦

安文頭陀晏作之所曰望朝峯在神光寺後曰左
 神策鍾咸通五年與神光寺額金賜曰五臺山王

審知始創文殊臺并東中南北四臺曰王氏像設
 王審知建院宇廣設像鑄五代于競作審知德政
 碑所謂虹梁雕拱重新切利之宮鈿軸牙籤更演
 毗尼之藏此其證也曰銅像王氏用銅六萬斤黃
 金三百兩鑄彌勒像方三丈六尺曰百道塔王氏
 所砌塔也曰金剛迹峰頂石上有巨迹曰般若臺
 昔有沙門持誦般若經於此今為金粟庵曰迦毗
 羅神曰涅槃佛卧佛也曰石觀音僧廣惠於惠勝
 堂後得異石琢之曰大悲院有僧常止廬嶽三十

年誦大悲神呪空中言曰功已成矣可去救人後
歸鄉創此曰僧行道處相傳有僧創塼室西峯白
日宴坐清宵經行一日坐逝其夕聞爆裂聲詰旦
見一石塞行道處曰坐禪石東峯盤石上有石如
筍微觸卽動又號降睡石曰霸石意者以王霸得
名霸別見曰天台橋東峯巖側有巨石梁如天台
石梁矣曰宿猿洞昔有隱者畜猿洞中因以名之
景福三年垣在城外湛郎中俞棄官隱此有二十
五詠羅源林迴雷題幾年形勝晦南州一旦聲名
藹湛侯夜色併來三島月光分破五湖秋荔枝
影裡安吟榻紅藕香中繫釣舟金印解還天子後
詔書重起不回頭曰金蟒穴在宿猿洞東大石後
唐天成間巨蟒長可六七丈鱗甲如黃金王氏填
而建佛殿焉今葫蘆城是也曰謝公浴堂鑿井引
泉爲之曰觀稼亭唐閻濟美守郡時陞辭之日德
宗喻以農事且言南方山水之富到官首創是亭
以茂帝寵曰初陽頂濟美守郡之暇酷愛此峯謂
從事曰每旦群山猶暝獨此太陽先升因題石上
日落景坪在初陽西曰放鶴亭唐觀察使崔干卽
寺東峯創亭曰四向亭下畜鶴一日冲去遂名放

鶴熙寧中守程師孟改曰冲天曰薛老峯山頂突起向陽峯三字周朴詩薛老峯頭三個字須知此與石齊生直教截斷蒼苔色浮世人儕眼始明薛老薛逢也咸通中為侯官令與僧靈觀遊創亭其側人書其峯曰薛老云按逢字陶臣蒲州人會昌進士有元日田家詩南村晴雪北村梅樹裡茅簾晚盡開蠻榼出門兒婦去烏飛迎路女郎來想閩中詩也但唐書本傳未見逢令侯官爾靈觀任山扃戶罕接惟一信士每至食時送供方開偽閩癸卯歲一夕風雨聞山上如數千人喧噪旦則三字

倒立其年閩亡云曰幽幽亭宋侯官令沈邈作臺

釋迦院東北隅曰峻青後重來為守寺僧金臺作亭館閣較勘蔡襄名之曰幽幽曰道山亭守程師孟作請南豐曾鞏為記而林希書之鞏記略曰福州治侯官於閩為土中地最平廣四出之山皆遠而長江在其南大海在其東其城之內外皆塗夯有溝溝通潮汐舟載者晝夜屬門庭麓多桀木而匠多良能以屋室相矜雖下貧必豐其居而佛老子之徒其宮又特盛城中三山西曰閩山東曰九仙北曰粵王三山鼎趾立其附山蓋佛老子之

官以數十百其瓌詭殊絕之狀已盡人力光祿卿
直昭文館程公爲是州得山嶽崮之際爲亭其處
其山川之勝城邑之大宮室之榮不下簟席盡於
四矚程公謂在江海之上爲登覽之觀可比於道
家蓬萊方丈瀛洲之山故名曰道山之亭曰長樂
臺宋曹穎叔詩藍接水谷與秋輝疑作危稜磴翠
微向晚山僧苦畱我層層寒牖亂雲歸曰不危亭
在山絕頂曰蟠桃塢舊志曰疑盤陀之誤曰跨竈
亭木鴈亭也孫覺有詩曰擊壤亭曰鄰霄一日凌
霄建時稱平材瓦土聖若魏之凌雲臺然誠曰毋
脩也脩且壞後人脩之良久壞矣蔡襄詩子夜看
先日陰崕得後春三韓空瑣碎萬落自埃塵註云
福人云高峯晴海可見新羅島曰天章臺曰清冷
臺曰鱗次臺曰箋香臺曰白塔曰宿雲菴曰惠安
明應王廟王姓陳漢太丘二十二世孫也舊隱是
山沒而顯靈唐元和後始立廟廟碑云心遊墳典
性愛山水身息宿猿之洞門臨落景之坪王審知
表其事累封顯應王宋熙寧八年改封惠安明應
王曰剛顯祠宋紹興中建以祀周朴朴字大朴吳
人其初隱于安溪縣南山下後徙此山假寺丈室

絕去葷酒塊然靚居諸僧晨粥卯食朴亦携巾盂
 廁其下畢飯而退郡中豪富設供率施僧錢朴卽
 巡行拱手各丐一錢有以三數錢與者朴止受其
 一旣得千錢以備茶藥費將盡復然僧徒亦未嘗
 厭也寺僧靈觀薛令逢皆與友善雙峯寺法王李
 中丞瓚大瀉寺僧嬾安亦爲禪悅之交朴吟詩寫
 景摻奇抉思苟得一聯一句則忻然自快嘗野逢
 負薪者忽持之且厲聲曰我得之矣樵夫矍然掣
 臂棄薪走遇游徼卒以爲偷兒也執訊之朴徐往

告曰適見負薪因得句耳其句云子孫何處閑爲
 客松栢被人伐作薪布一士跨驢遇朴以其僻於

詩句故歆帽掩頭吟朴詩云禹力不到處河聲流
 向東朴聞遽隨其後士但促驢去行數里及之告
 曰僕詩流向西何得言東也閩中傳爲笑柄黃巢
 至福州求得朴問曰能從我乎朴曰我尚不仕天
 子安能從賊巢怒殺之湧白乳尺五寸後人立祠
 焉并祀觀與逢曰三賢而雙峯寺亦有三賢堂則
 法王李中丞瓚寺僧嬾安及朴也宋紹興初張浚
 謫福州將遊雙峯夜夢一僧與一金紫人及白袍
 士來謁翼日登山堂見三公如夢中異之後爲帥

遊烏石至朴祠嘆朴歿節三百年未有廟額乃以
 奏請詔賜號剛顯郡人鄭昂記而序之曰東漢之
 衰陳蕃李固孔融之徒相與標榜以節義名世故
 雖以曹公之陰賊終身睥睨漢室不敢取唐末名
 節掃地君子在野小人在位朱溫以斗筲穿窬之
 才談笑而攘神器士大夫亦欣然與之莫敢正議
 使公得志其肯以國與人乎乃以詩詒來者俾歌
 以祀公詩曰公昔隱居烏石岡老觀禪師同道場
 法王嬾安共徜徉李薛咨叅互擊揚擺脫利欲心
 清涼是以能全此至剛黃巢兵亂來福唐公力抗
 之不肯降欣然引頸齒劍芒白乳上湧如雪霜老
 賊自謂暴無傷纔殺人半於南方公無爵位至周
 行史臣不書名不彰後三百年丞相張夜夢三賢
 與迎將翼日遊山登公堂宛如夢中貌昂藏再來
 爲州剡奏章賜名剛顯烈有光葺祠爲廟飾棟梁
 普與州人奉肴觴於薦荔丹與蕉黃歲時來享以
 爲常我作銘詩刻其旁千萬億載歿未亡嬾安者
 郡之陳氏子受業黃蘗山習律乘嘗自念言我雖
 勤苦未聞玄極乃孤錫遊方造百丈禮而問之自
 茲領旨更不馳求同叅祐禪師創居瀉山躬耕助

道及祐歸寂衆請接踵任持有問黃巢軍來和尚
 何處回避曰五蘊山中曰忽被捉著如何曰惱亂
 將軍及朴被殺嬾安聞而脫去賊入塔以劔斫塔
 亦湧白乳三尺巢言自入閩纔殺一人有半而已
 故鄭昂廟詩有纔殺人半之語曰尊勝真堂像祀
 知州孟彪崔干曰慈氏閣巡官鍾杲建後棄官出
 家以身餒虎曰道士井晉時林氏入閩有華陽道
 士謂之曰可鑿井南山下遇盤石則止林如言及
 盤石有白豕躍入泉湧出曰仙井仙人任放所鑿
 放別見曰崔公井井在尊勝堂前崔干賞其甘美
 曰放生池

粵王山

在郡城北隅半蟠城外東聯冶山一名屏山一名
 平山閩越王無諸舊城處也唐刺史裴次元遊宴
 城東偏之左衙營愛其峯巒巖峭林壑幽美遂命
 闢之啓滌高深各盡其處則有望京山觀海亭雙
 松嶺登山路天泉池翫琴臺筋竹巖枇杷川荻蘆
 岡桃李塢芳茗源山陰亭合清洞紅焦坪越壑橋
 獨秀峰篔簹坳八角亭盤石椒白土谷漣漪亭東
 陽陂分路橋乾岡岑木瓜亭石堤橋海榴亭松筠

陌夜合亭凡得景二十九作二十詠詩記之其山
有飲馬池閩越王池也有古井曰越王井名金雞
井有琴石閩越王鼓琴處也有曲水苔泉郡第一
泉也有環峰亭上有宋光宗御書有絕學寮宋丞
相張浚讀書其中元薩天錫詩粵王故國四圍山
雲氣猶屯虎豹關銅獸暗隨秋露泣海鴉多背夕
陽還 皇朝跨山築城爲樓曰樣樓今更名鎮
海有翠濤亭樣樓者 國初遣駙馬都尉王恭
來此築城恭先作樓爲式樣故名樣樓

冶山

在城東北隅舊屬懷安歐冶子鑄劍處也蘇林注
冶山名也今名東冶治平圖謂之泉山卽今福州
將軍山是也其陽唐之元和秣塲塘潭冶島在焉
又南百餘步有劍泉院唐元和中僧惟幹濬之得
銅刀劍鏢數枚猶有冶竈在竹林間山北有甌冶
池貞元中池水赤如血宋紹興中有龍晝見郡爲
立廟守程師孟創甌冶亭作詩又爲後序云予至
州之明年新子城城之東北隅灌木陰翳因爲開
通始問此水或對曰甌冶池予竊嘉其蹟最古且
愛其平潤清泚又池之南隴阜盤迂喬林古木滄

洲野色鬱然城堞之下於是亭閣其上浮以畫航
可燕可遊亭北跨壕而梁以通新道既而州人士
女不絕遂爲勝槩

閩山

烏石之支也有巨篆閩山二字又名玉尺山宋守
程師孟以光祿卿知郡常遊此寺石刻光祿吟臺
四字師孟詩永日清陰喜獨來野僧題石作吟臺
無詩可比顏光祿每憶登臨却自回

鐘山

在城西南隅舊屬懷安鐘山巷下有大中寺故梁
太守袁士俊第內有小山時聞鐘聲因捨爲寺號
袁寺寺有八百羅漢像題曰天台鴈宕佛書云諾
矩那與其徒八百衆居震旦國今五百居天台三
百居鴈宕是堂像八百故合而題有觀音像政和
間清涼院僧宗顏刻木爲之像大而色故將飾之
忽夢謂我當城居俄大中僧數百人亦以夢來致
遂設是像一都亦有鐘山

大夢山

麓有庵下有方池元時有隱者居此鑿曰墨池西
南有平章池元陳有定別業一日西陂

貴安山安一作庵

有井曰貴安井

鳳山

一名黃山上多礪石下有井曰飲井

怡山

在鳳山南一名西禪山有西禪寺一名雲山一名城山寺古名信首仙人王霸上昇地也霸梁時人父增自齊朝渡江入閩宅於西禪增善黃老術霸幼好之每登怡山經宿乃返年三十遊武夷十六

年還舊居於山南鑿井有白龜吐泉煉藥成點瓦為金其歲閩中斗米千錢乃鬻金運米以濟貧民

後以所餘藥服之旬日如醉忽脫於所居皂莢木下林嵩記云梁時三月三日也唐貞元中觀察使李若初嘗登西樓望有五色雲當其宅遂以為冲虛宮塑任放董奉徐登及霸像為四仙祠初霸上昇時為讖煉藥壇云壇壞不用修木朽不用伐讖皂木云皂木不結子結子人得道讖龜云西南白龜井吾乘之去來龜歸吾亦歸後宋慶曆紹興中皂莢復生者再山中數里間每風雨後耕者或得遺金紫磨色半瓦印文宛然重至三四銖唐邑人

林植詩羽客已登雲路去丹砂卉木盡凋殘不知
 千載歸何日空使時人禮舊壇植奇童子也陳植
 詩鼎邊雞犬知何在雲外龍鸞去已賒惟有黃金
 如瓦礫貧民時復得些些蓋詠耕人得金事又後
 唐光啓丁未歲衢州爛柯山道士徐景立取土仙
 壇東北隅得瓷瓶七口各可容七升水中悉有炭
 上總蓋一青磚識文云樹枯不用伐壇壞不須結
 未滿一千歲自有系孫列後來是三皇潮水蕩禍
 殃巖逢一乍間未免有銷亡子孫依吾道代代封

閩疆黃滔爲王審知作丈六金身碑頌王審知仗
 鉞之雄實應蓋碑之識云白玉蟾云王仙君白龜

應西方白色謂之金龜亦可白龜吐泉蓋金生水
 之意皂木上應奎婁星勿南方火宿此蓋皂木應
 火宿則是火生於木也仙君得魏伯陽煉丹之旨
 其所以攢簇五行者實寓意於此夫白龜屬西方
 皂木屬南方張紫陽有詩藥在西南是也白龜應
 金皂樹應木仙人煉金丹要須識金木間隔之義
 也董奉字君異本縣人吳先主時有少年爲侯官
 長見奉年四十餘罷官去後五十餘年復爲他職
 行經本縣復見奉顏貌如往日問言君得道邪何

轉少也奉曰偶然耳後交州刺史杜燮得毒病歿
歿已三日奉時在彼與藥三丸內燮口中水灌之
使人捧舉燮頭搖而消之須臾手足似動顏色漸
還半日能起坐後四日能語云歿時奄忽如夢見
有十數烏衣人來收去入大赤門徑以付獄獄各
一戶戶纔容一人內燮其中外封以土忽聞戶外
人言云太乙遣使來召杜燮又聞除其戶土良久
引出見有車馬赤蓋三人共坐車上一人持節呼
燮上車將還至門而覺燮既活起謝奉爲奉起樓
庭中一日而三設供奉來惟啖脯棗飲少許酒來
時或如飛鳥下空食了飛去人每不覺如是年餘
辭去燮泣留問何之寧須大船否奉曰要一棺耳
燮卽爲治棺至明日中時奉歿殯埋之七日後有
人從容來曰董公囑謝杜君好自愛理燮啓殯發
棺惟存一帛一面畫作人形一面丹書作符後還
居豫章廬山下有一人中癘垂歿載詣奉使坐一
房中蓋以五重布巾使勿動病者云初聞一物來
舐身痛不可忍無處不匝量此舌廣一尺許氣息
如牛不知何物也良久物去奉乃取池水浴之遣
之去十數日病者身赤無皮甚痛得水浴卽止二

十日皮生卽愈縣大旱令丁士彥齋酒脯請奉致
雨奉仰視屋曰貧道屋皆見天何堪雨至今曰先
生但爲我致雨明日自將人吏百餘輩立架奉屋
方聚土作泥擬數里取水奉曰少須及暮大雨高
下皆平奉治病不取錢重病愈者使栽杏五株輕
者一株如此數年以十萬餘株乃使山中百禽群
獸遊戲其下卒不生草常如芸治後杏大熟於林
中作二草倉示人曰欲買杏者但將穀一噐置倉
中卽自往取一噐杏去嘗有人置穀少而取杏多
林中群虎出吼逐之挈杏踉蹌傾覆至家量杏一
如穀多少或有偷者虎逐到家嚙偷至死家人知
之乃送還奉叩頭謝過乃却使活奉每年貨杏得
穀賑揀貧乏供給行旅歲二萬餘斛縣令有女爲
精邪所魅投奉治之卽召得一白鼉長數丈陸行
詣病者門奉使侍者斬之女病卽愈令請納女爲
奉妻久無兒息乃乞一女養以侍妻一日奉竦身
入雲妻女住宅賣杏取給有欺之者虎還逐之奉
凡在人間三百餘年徐登見前九仙山任放見後
昇山西禪寺唐王延鈞奏名長慶有僧慧稜者居
之慧稜依雪峯九年一日曬紙衾而泣且曰行脚

吊坐此今已突破而未有所見雪峯曰今夕來爲
 汝說稜至侍立達旦雪峯令捲簾稜大悟來任長
 慶號超覺寺有明遠亭元給事絳詩野色遠涵天
 蓋轉山圍高插斗車來後陸侍郎藻更名斗車又
 有紫翠亭放生池
 後山
 鳳凰山
 有香巖寺西爲清泉水末山石山皆在平田中

方域志

福州府

侯官縣二

古田縣

高安山

清泉支山也其西有祭酒嶺五代閩時湛溫者光
 州人事王延翰官御史大夫國子祭酒審知養子
 延廩守建州與延翰有隙遣使來覘延翰命溫往
 餞且鳩之溫至嶺下飲鳩自斃閩人哀而葬之遂
 以名嶺過洪山橋有嶺曰東岐

石門山

二山對峙中貫清溪望之如門傍小阜曰超山又西為龍潭山山有潭龍居之歲旱禱雨蠟磁瓶之口懸而下之以有無得水測雨候潭中羣魚遊泳無敢捕者有靈石四若龜蛇劍印溪源之水出焉

藥山

人率王政傳神藥山大

西山

泉支山山與西谷山

中有瑞應二潭又名龍潭山

洪山

即洪塘山

其曰瓦埕東岐妙峰佛樓皆濱于江東環清溪亦以洪塘名

妙峰山

在洪塘江上有妙峯寺松石幽邃可以眺遠宋林適讀書于此適有集四十卷名妙峰集妙峰佛樓之間為石倉園 皇明邑人曹學佺之園也

歷山

旗山

其形若旗與鼓山東西遙相望郭璞遷州記云右旗左鼓全閩二絕巔有仙人石下有勾漏里溪流遶前與現石合曰錦溪旗尾偃拖南折十餘里為南嶼民居鄰次如一市屢嶼上有鑑峰石

厚山

仙宗山

在旗山南白鶴山窠中松徑縈紆十數里澗流有聲五代唐同光二年建仙宗院其法師有行瑫仁慧契符清守守玘諸人

梅埔山

下有鍾潭舊志潭水有鍾唐貞元中僧惟亮欲恥之見蛟龍出沒遂不敢近其木多梅梅溪之水出焉又西爲小箬界於古田

芹山

永隆庵山

峰曰玉几又拖西爲雪峰

雪峰山

去城一百八十里高四十里蟠據侯官羅源古田閩清四邑舊名象骨峰唐乾符中禪師義存居之王氏入閩問師象骨何奇師曰山頂暑月猶有積雪王曰可名雪峰遂名義存泉州南安人生而鼻逆薰血牙悅鍾磬容動佛僧九歲出家十七落髮北遊吳楚梁宋燕秦受具足戒於幽州寶刹寺迄名山扣諸禪宗爰及武陵一面德山止於珍重而

出其徒數百咸莫之測德山曰斯無借也吾得之
矣咸通六年師歸故里之芙蓉山其年圓寂大師
亦自瀉山擁徒至坐于怡山王真君上昇之地其
徒熟纒纒而欵關師拒而久之則有行實者始以
師同而議曰師之道巍巍乎法門圍遶之所不可
造次其地宜若鷲嶺猴江之爲卜府之西二百里
有山焉環控四邑峭拔萬仞嶮悴以支圓碧培塿
以硯羣青惟石古松棲鷲龜鶴靈湫邃壑隱居龍
雷山之半頂之上則先冬而雪盛夏而寒其樹皆
別垂藤羅芊茸而以爲之衣交錯而不呈其形奇
姿異景不可殫狀實閩越之神秀而古仙之未散
居誠有待於我師也所以偕行秋七月穿雲躡藪
陟險昇幽將及之師曰真吾居也雲菴旣立月構
旋隆行實廼請名其山曰雪峰乾符中唐禧宗錫
真覺太師之號仍授以紫袈裟居久之東遊於丹
丘四明又二年自吳還閩王審知迎館于府之東
西甲第年八十七卒厥徒百千高足者五人其一
號師備擁徒于賢沙其二號可休擁徒于越州洞
巖其三號智孚擁徒于信州鷺湖其四號慧稜擁
徒于泉州招慶其五號神晏府之鼓山也黃滔作

雪峰碑銘其文如此按師備闍謝氏子幼好垂釣
泛小艇南臺江上忽慕出塵棄舟投芙蓉訓禪師
落髮往豫章開元寺受具布衲芒屨終日宴坐食
纔接氣與雪峰本法門昆仲而親近若師資暨登
象骨山同力締構玄徒臻萃師入室咨決應機啟
捷至與雪峰徵詰亦當仁不讓學徒八百尊之爲
寂一禪師可休智孚擁徒他州不具論神晏已見
鼓山獨慧稜未詳當義存居雪峰時徒侶衆盛長
者藍文卿施田七十餘畝建應天雪峰禪院以居
之宋太平興國間賜額曰雪峰崇聖禪寺其山有
鳳凰岡鳥石嶺應潮泉鰲山閣枯木庵畱香臺乘
雲臺無字碑難提塔望州亭臥雲臺文殊臺白雲
臺蘸月池湯泉水磨鞭闢石虎豕石萬松關羅漢
巖化城亭豐澤潭皆奇勝鳳凰岡院主山也應潮
泉廣二三尺四面皆頑石有數沙眼潮上則涓涓
出鰲山閣義存識成道之由也初義存與欽山巖
頭客澧州同假鰲山邸宿坐不寐欽山詰之義存
曰心未穩在令吐露襟次因謂之曰從門入者不
是佳珍丈夫須當蓋天蓋地義存廓然一悟後以
名其閣枯木庵外嵌中枵義存所趺坐也畱香臺

者僧敗絮所留香敗絮瘡毒遍膚每剝痂血放穢
几席不堪其惡主事遣之獨鄰榻憐之而送之門
已去數里謂曰荷君意殷適留香相報比還所坐
處異香襲人章得象爲記乘雲臺僧希運與二僧
同登轉盼間其僧忽騰雲去希運呀然曰早知其
然當斫其脛無字碑古頌云一片如屏紫翠間風
吹日炙蘚花斑莫言箇裡無文字要在當人着眼
看難提塔義存所預造自序曰夫從緣得者始終
成壞非從緣得者歷劫常堅堅則在壞則損雖然
離散未至何妨預置者哉所以石室木函獻土爲
龕諸事已備脚北頭南比至其時橫山睡甌塔後
黃滔爲作銘者也蘸月池旁有古杉迺閩王審知
與義存手植皆數十圍義存植者直而叅天閩王
植者樛而逮地滑泉聖僧可遵詩有直待衆生塵
趣盡我方清冷混常流爲蘇東坡所賞水磨磨下
絕雀初義存題云庵前永日無浪子磨下終年絕
雀兒至今信然豐澤潭有龍二年一興興則暴雨
漲溪衝梁突岸迺鐵纜纜之上鑄鐵佛縫罅皆飲
以鐵其旁諸山曰丁山山勢橫去一麓衝出如丁
字曰松嶺曰雙髻山唐師復出家於此師復與林

卷之三
三百三十八
藜同業儒同入關至楊子渡口有出塵之興賦詩
曰君自成龍我成道浩然而歸卜築此山宋政和
間樵人張姓於此山遇異人飲之泉食以笋遂絕
粒識字後削髮爲僧累住名剎山巔有鰲峰嶺嶺
下有聖湯又有湯院石在土中閩人掘取供玩

葛岐山

龍臺山

卽候官市與赤塘山對峙其西爲竹崎爲唐舉山
其傍山曰南山曰雲頂曰下崎緣亘數里界於閩
清

嶼頭山

去城七十里又曰花嶼周圍有六橋焉其西有芝
田山斗門山有嶼曰月嶼董嶼環嶼月嶼方輿記
云月嶼出螭蛤號螭沙

大象山

在旗山西蹲伏如象頂有觀音泉傍有尋山蘇岐
山皆濱浯江

崎頭山

在象山東上有仙人石下橫長江曰浯江山半俯
瞰清流有磯石臨水曰醉漁又有石如鍾下懸於

江日懸鍾

古靈山

一名古靈一名大帽一名席帽千峯奇峻前有文筆峰特峭拔宋陳襄居之今有祠山腰石室曰太乙巖一名小方廣一名羅漢祠山西南隅有甘泉出石竅可飲二十人渴多生藍草又有後灣渡月山岬安德泉碧玉潭贊公房落鏡橋小天台蟠龍石逗雲亭諸勝月山岬岬如半月安德泉懸岬甘冽如匡廬瀑布碧玉潭水流清駛潭底五色石子

粲若機錦贊公禪師也初受業本州大中寺後行脚遇百丈開悟却回受業本師發言異常本師問

曰汝行脚故遇何人師曰蒙百丈和尚指箇歇處今欲報慈德耳本師告衆致齋請師說法師登座舉唱本師言下感悟曰何期垂老得聞極則臨遷化剃浴聲鍾告衆曰汝等諸人還識無聲三昧否衆曰不識師曰汝但靜聽衆皆側聆師儼然頌寂塔存本山山南麓爲福頂山有古靈廟廟神曰正佑王唐天復三年降靈義興社後遷此土人因以福頂名山

龍湖山

周書

卷之三

方城

建正以敬

俗名土牛在崎頭山西與古靈隔江對峙下有温泉又有龍湖傍有小臺山過此爲永福界

靈光山

舊有靈光寺有橋曰靈光橋溪曰洞溪

後山

石岳山

岳縣舊址也山巔冠巨石曰石岳石舊志載石歲覺增長後因火不長矣有天赴亭有善應廟亭閩越王游憇之地廟神姓張諱德清靈異感應宋淳祐五年賜封號廟額其驛曰芋源

太平山

在城北十國紀年王延翰葬閩縣太平山即太平地藏也宋爲普同墳張丞浚命芙蓉僧作四穴分左右別男女以待不能葬者乾道六年黃監簿啓宗請于府拾枯骨爲三大塔於天王院東則謂之義塚亦曰北嶼渡合水橋有爐峰馬脉自白鶴山來屹立闌闔間稱南嶼而江水貫穿於二嶼者稱峴江亦稱水西

閩山

臥龍山

閩山

卷之三 方域

曾秀

有三石圓聳如品字名品石叩之則諸山響應又
 名應石有安國寺偽閩時僧師備自雪峰來居館
 徒千人高麗日本亦有至者師備已見雪峰山有
 箋經臺宋大中祥符中僧可度箋楞嚴經於此夏
 竦記其事有得愛亭守元絳詩朱輜何事獨來頻
 不為溪山只為民最愛年年禾稻熟時豐寧有壤
 歌人有翠楚亭元泰定間錢光弼名來遊者衆題
 刻甚多 皇朝高澂詩天開翠楚臥雲根品字
 中分石字門莫向此中畱篆刻古來名氏蝕苔痕

文山

宋隱士鄭育故居也太守黃裳往謁之題石其路
 路口有坊扁曰文山

浮倉山

近蓮華山下閩粵王轉漕以備東甌之地下有石
 頭廟轉漕之民於此祈福又云晉太康中鑿東湖
 山在湖心上平下方若倉然

旴源山

一名通谷山有笏石奇峰仙冠石紫巘亭高潔臺
 一線天六華巘諸勝有井曰旴源亢旱不竭圖經
 云旴源井半將軍石半

梅亭山

昇山

舊號飛山世傳越王勾踐時自會稽一夕飛來唐
 天寶中仙人任放於此昇舉因名昇山今洗藥池
 昇仙臺遺趾猶存山有靈巖寺陳天嘉三年置以
 山西巖石間時聞鍾磬聲故名曰靈又有紫雲堂
 唐亨元初僧雅操居之觀察使孟暉與操談經相
 善紫雲堂其遺跡也山下有賢沙寺以在懷賢里
 名梁開平元年置寺前有飛山二字劉提刑嶠書

本宗一禪師塔院也宗一者師備見前黃滔雪降

碑師備擁徒于賢沙者是也有靜遊亭岷南百步

有運使龐公籍留題亭西有熙春臺臺東有不溢
 泉有鬼磨石仙昇巖朶芝巖息龜池寒巖覽秀亭
 小隱諸勝唐周朴昇山詩昇山自古道飛來此是
 神功莫浪猜氣色雖然離禹穴峰巒猶自接天台
 宋守曾鞏昇山詩脩竹長松十里陰任敦燒藥洞
 門深獨闕金版驚人語能到清霞出世心程師孟
 洗藥池詩行處松蘿深似幄望中城郭細如棋清
 泉可惜藏巖下不作先生洗藥池陳襄和詩雲中
 直有三清路塵外都如一局棋聞欲引泉深洗藥



未應奪我鳳凰池程師孟靜遊亭詩石磴高軒榜
 靜遊度年紅葉少驚秋使君會得山僧意不放笙
 歌到上頭按仙人本名任放唐天寶間人而陶隱
 居集云晉太康中任敦自茅山往居大鵬山王霸
 宅得金版仙訣今會南豐詩用敦字又有獨閱金
 版之句當作晉任敦也

鳳池山

山椒有池三四畝五色鳥浴之閩王蔡夫人任氏
 于此王薨亦葬焉後改葬九峰之蓮花矣宋守元
 絳詩州人未識鳳池山朱轂時來此往還四座杯
 盤在天上滿軒雲雨落人間曾鞏詩經年聞說鳳
 凰山躡屐方偷半日閑吟語客隨朱閣上醉醒身
 在白雲間温益詩少年曾接元公論屢話南閩佛
 刹竒葉棣詩聞說治平元太守殷勤晚到鳳凰池
 盖山見於圖經前此未顯至絳始發之山有泉曰
 水簾温益詩竹生石上瓊瑤碧泉落簾間組帶垂
 陳暘詩地噴飛泉成雨露根盤喬木列旌麾有擢
 秀亭提刑喻陟名仍隸書顏亦有詩守謝卿材倅
 幕皆屬和之有翠微亭建炎二年進士題名于此
 有覽輝亭有閣華巖陳瓘有記

保福山

山有唐安寺陳天嘉二年建

皇朝更名隆壽

保福禪院

馬鞭山

九峰山

山拔峭若筆架與芙蓉壽山號曰三山大中二年

僧慈惠創九峰院咸通二年號九峰鎮國禪院柳

公權書有嶺曰長箕嶺一名桃枝桃枝嶺之上有

蓮花山山形高峻上銳下圓若菡萏然郡主山也

後唐長興三年閩王審知自鳳池山收葬于此有後唐賜神道碑張文寶撰文 皇朝磁源林謹

夫記宣德五年種屯軍三十人盜發閩王塚塚門

堅甚竅上隅入之一人腰纏先縋忽中絕呼不應

衆愕然連梯巖燧而下見先縋者歿矣壙廣如屋

前祀王繪象几列五供悉用金玉珍寶器後寢紅

棺二王夫人也既盜出先縋而歿者見夢其妻云

蛇實殺我諸偷所得物當半分爾妻以告諸偷諸

偷不應訟于百戶傑傑受偷賂不問訟于懷安尉

尉王得其金燭玉帶亦罷遂訟于憲司副使李素

魯僉事鄒稷捕治之尉心念匿帝王物當歿即欲

自縊或基之自首以免遂上錮若帶而諸生王琨
者自言王後當領所盜物諸公疑之琨出其家譜
乃壙中物皆備載於是諸公按譜徵物舉王繪象
懸堂中則見方面大耳巨目弓鼻紫面修髯儼然
可畏四圍朽盡獨中心如故咸嗟嘆之內一水碗
其底寸許如橄欖瑩如金色不識是何寶也召回
回辯之曰此玻黎碗諸公廼歸琨像及壙中物十
之一而委庫役鄭浩爲王治塚浩爲余言壙中懸
棺推之可動而蓋已被發墳前石人石獸製極工
所云琨後仕至松陽知縣松陽丞有劉鑑者實王
女之所自出借王象器之不返琨復訟于憲司并
勾出玉帶一條花大如掌宣德八年進御府又宋
黃幹有桃枝嶺詩

大鵬山

山如鵬展任放修煉於此迤北爲杜塢嶺

龍腰山

越三山之後山也自蓮花山發脉迢遞過飛來峰
半隔城內爲郡主山下有水源接東湖之埧與潮
汐通相傳昔常欲鑿之以通西湖往往晝鑿夜合
俗云龍腰也有苔井其北五峰山爲府社稷壇又

北曰義井

壽山

山有九峰是生美石瑩潤可研可印大者一二尺許蓋珉云距山十餘里有五花石坑石有五色難得者艾綠

東室山

古戰坂也五代晉開運中南唐兵與李仁達鏖戰於此今荒莽中隱隱有營壘址戰坂之西爲陶竈閩王審知築南北夾城於此陶磚

龍窟山

黃巖山

在西室山東有瀑布高百餘丈聲聞里許巔有仙井有石曰盤石俗曰彭石相傳越王時此石在湖中不沒如盤

澗田山

芙蓉山

與壽山對峙若芙蓉然別麓有洞曰芙蓉洞亦曰靈洞洞口可丈許縈紆十餘里遊人篝燈束炬以入巖石互鎖旣隘復廓紺乳時滴陰氣逼人五里至開山堂僧義存所闢有石床石鼓石盆過此益

閩書

卷之三 方域

七

吳安

陽書 卷之三 二百十六
凜凜莫窮其源宋時縣人謝三卽釣漁江上年三十投竿翻舟入是山爲頭陀宋守葉棣詩爲問閩江舡釣客謝家誰更未知名

龍鞍山

楊崎山

夾江峙立連延起伏雖不甚高殊有形勝楊或作陽山中唐子野隱居處也子野父周行賈杭州子野年十三從之其父就時他郡命子野守舍適王伾微時覆舟於羅刹江子野行見之奮臂曰能生人者予百金於是漁者競援伾子野卽出舍中裝直百金予漁人其父歸大異之子野曰身得義名令父喪羸非孝也去爲人僕賃主人微聞掇伾事義之陰倍其償廼爲小賈小賈之息得過當愈於父久之致蓄藏以其半奉親甘毳以其半散之貧交昆弟廼折節讀書治左氏春秋後伾爲散騎常侍使人召之則亡矣令福州觀察處置使物色之使者得之陽崎江上伾命隨之至深山中家徒四壁几上周易一卷子野佯喜設脫粟食約曰旦日雪霽會於傳舍及旦傳舍長展車待移夕不至使者還馳至子野家書幣封識如故而子野已行矣

鳳冠山

在陽崎山西羣山之間沃野千餘頃有三小埠
立田中者爲柯嶼一名台嶼一名瓜嶼宋建州司
戶陳嘉言於中阜築書隱堂焉

吳山

相傳吳父隱此一名埔山下有盤嶼四繞如盤或
云吳父之所盤桓也

仙崎山

與陽崎對峙或曰陰崎也山上居民稠密江水蜿
蜒出其下南北行者必由此山之涯以濟元鄭潛
置義渡焉潛字彥昭歙人至正中爲福建監察御
史歷官泉州路總管致仕寓居瓜山買田建學教
育後進立白苗楊崎二渡買田給舟子處士吳海
記畧閩上游四州之水滙于洪塘逕臺山帶郡城
以東其別流南循方山會于長隄臺江右爲浮橋
以濟行者延祐始創石橋少有淫雨暴流汎溢鳳
岡百里皆爲巨浸而其勢日趨於南新隄陽隄實
當江流迴幹之衝又有燧風不時摧帆折桅釜岍
強獷之徒植黨專濟扁舟葦如坐客俱滿不勝載
而後發猝遇風濤率多覆溺鄭公聞而憫之白太

府取巨木百章營二舟募水工操之一自白苗濟
陽陞一自新陞濟陽陞舟鉅不虞猝濟利不虞專
父老告予白公之渠萊公之井蘇公之堤李長者
之陂皆以其姓渡不類歟願刻石表曰鄭公渡予
曰諾遂爲記潛有子居貞見縉紳

西室山

去城二十里聯絡秀拔傍爲沙溪山杜塢山其北
有梧桐嶺甘蔗生焉又西曰拜郊山閩粵王燔柴
處也

龍跡山

在九峯山下中有廣施廟唐林諤記廣德中一日
清晝雲雷騰震龍從驟雨石上遺跡可數寸歲爲
大豐故名山龍跡矣宋太平興國後遇水旱有禱
輒應民廟祠之竹椽茅屋而已嘉祐四年令樊紀
禱雨有應新大之紹聖元年令洪子著禱雨復然
而所潤不過邑境子著白帥王祖道往謁卽日大
雨三年大旱又白帥葉紳炎烈中倏然滂沱者繼
日大觀三年令吳與更基山爲殿臨溪作亭亭名
曰沛然自爲文記之政和五年賜額曰廣施

瓜山

聯方山之西三巒直下分派如瓜宋潘柄元鄭潛居之其支為南陽山巔有四潭龍潛焉曰烏岡潭巖石險怪或雲霧騰湧則大雨如注歲旱應禱

天寧山

自橫山南渡三橋為是山有臺曰天寧臺俗名鹽倉山又名掛榜山省會第一案也西為黃栢嶺

皇朝嘉靖中金華太守陳京大書望北臺於石因名望北臺嶺又為白泉山為白鷺嶺為登平山為楊桃嶺為虞塘山

鷄籠山

在虞唐山東一名斗門山西為鳳岡週圍荔枝以數十里中有三十六宅宋劉彛諸賢所居曰劉宅閩中荔枝譜郡之附郭獨鳳岡一村種類甚夥不下數百萬株大者十圍高三十丈名曰天柱皆王氏植至今蕃盛

銅盤山 竹柄山 螺峰山 程田山

五奇仙山

有五石秀聳相傳有仙居之

佛國山 火峰山

羣鹿山



有泉曰鹿乳

金山

黃沙嶺 閩山嶺

大夫嶺

相傳舊有大夫墓

北嶺

路通連江縣沿崖而躋高二千八百步宋嘉祐三年令樊紀夷高直曲培凹續陷嶺以失險上有亭嶺阿有臙脂團周匝約二百餘步膏潤不毛四時紅燁相傳忠懿王郡主梳粧樓在焉膏潤紅燁脂粉之餘注也

湯嶺

由北嶺行十餘里至此又三十里至連江界諺云湯嶺兜北嶺頭言險也

石門

靈石

有真人宮內有潭潭旁有石似龜劍印者四

越王石

閩中記在侯官縣南海邊常隱雲霧相傳太守清廉廼見劉宋時守盧愿往觀了無蔽隱今未詳何

處

石母嶼

相傳石母常居於此石出水僅四尺巨漲不沒

甘樵州

在江心上有馬仙宮驪珠石居民種蔗為業歲課甚豐

芹洲

澤苗江之西周圍二十餘里居民隱然闐闐洲多產芹故名又名瀛洲以其四面有水如瀛洲然

川水利附

馬瀆江

上接螺女江納建延之溪以至于海

洪塘江

上接馬瀆江

螺女江

上接水口下接閩江入于海搜神記云閩人謝端得一大螺如斗畜之家每歸盤飧恒具端疑而密伺之見一姝甚麗問之曰我天漢白水素女天帝哀卿少孤遣妾具君膳今去畱殼與君端用以貯糧常滿資給數代方輿勝覽曰螺江也太平廣記

謝端侯官人少喪父母養於隣人年十七八恭謹自守鄉人愍其無妻視圖未得躬耕力作不捨晝夜後於邑下得一大螺如三升壺以爲異物恥貯甕中後端每蚤至野還見其戶中有飯飲湯火端謂是鄰人爲惠便往謝之鄰人皆曰吾初不爲端又以爲鄰人遜然數爾不止後更實問復皆咲曰卿密娶妻何謝鄰炊端默然後以鷄初鳴出去平蚤潛歸從籬外竊窺其家見一少女從甕中出至竈下燃火端便入門徑造甕所無螺但女仍到竈下問之曰新婦何來而相爲炊女人欲還甕不得荅曰我白水素女天帝哀卿少孤慎守使我權舍炊烹十年之中使卿居富得婦自當還去而卿竊相伺掩吾形已見不宜復留當便委去雖爾留此殼以貯米穀常可不乏端苦留不得時天忽風雨翕然而去端爲立神座時節祭祀居常饒足不致大富爾於是鄉人以女妻端端後仕至今長云

金鎖江

在城南七里一名金崎晉康帝時有漁父釣得金鎖曳引至盡金斗出焉急挽俄絕猶得數尺許詔立廟曰金崎

黃岬江

又名浯江江濱有巨石橫浸亦名蘇崎有渡濟涉大江之支也

黃江

大江支江也

楊崎江

上接洪塘江歷鳳岡至楊崎納永福溪及浯溪之水達于峽江 皇朝萬曆四十年巡按陸夢祖

改官道出此江之上大學士葉向高記閩會城南

有江達海其水自上流四郡千餘里皆滙于此有山東之故名峽江怒濤激浪急溜漩渦險若瞿塘

自峽而上可二十里而陽崎江水勢紆緩一葦可

航勝國以前行者皆由此渡其後以兵亂榛蕪間

逢虎暴廼從而由峽路雖稍夷每值風波輒葬魚

腹即近者隆萬間大比之年生儒溺歿以千百計

行旅病之欲仍復舊路而人情因循屢議屢寢直

指陸公歎曰茲路不更毋廼委民于壑下郡亟圖

遂移渡于陽崎江自江而南剪棘斃石夷高煙下

關為周行者五十餘里為橋二公館二舖舍六亭

一徽廬十增渡舟八道里視峽江減十之二往來

于茲者江行如徒徒行如市陽侯不驚猛獸屏跡
余再拜稽首曰公恤我閩出之鮫宮蜃窟而登康
莊敢不世世拜賜

澤苗江

源出永福江東岼瓜山黃巖大鵬諸山之水出焉
合流至崎與楊崎江合

仙崎江

一名新崎源出永福印溪東流三十里接西峽江

石岳江

上接水口江下接洪塘江今芋源驛是也唐書云
候官西南七里有洪塘浦自石岳江而東經巖流

至柳橋以通舟楫貞元十一年觀察使王雄所開
也宋朱熹石岳江行詩春日江中注我行溯其波
揚帆指西瀛兩岸青山多

小目溪

源出永福

龜溪

是淵多龜唐大曆中有女浣紗溪傍龜吞之其父
號哭不已聞者為恥龜烹之溪傍有小金沙古山
園

大目溪

源出古田

仁溪 蒙溪

源俱出連江

吳山溪

源出永福入于西峽

桐溪

沙溪

源出分水關逕建劍而下至芋源與大江合中有

沙壅成洲故名

涪溪

源出大鵬黃巖兩山注于澤苗

陳塘溪

源出十四都縈紆入江歲旱則堰以溉田

浯溪

源出瓜山之陽歷平坡北由仙坂注澤苗江

黃溪

源出黃巖山注澤浦入于江

黃石溪

舊名崑江疑卽石崑江上流也發源自分關至白

沙合流入于西峽

西湖

在城西三里晉太守嚴高所鑿畜洩灌民田週圍
 十數里王審知時大之至四十餘里其子延正築
 臺為水晶宮由子城複道跨羅城而下鹿頂數十
 武可至引湖而入為浴馬之所而容小舟焉携後
 庭遊戲不出莊陌後漸湮宋守曹穎叔程師孟蔡
 襄先後修築淳熙中趙汝愚請於朝大濬之汝愚
 奏書臣州有西湖接濠而通南湖潴蓄灌溉旱運
 勞世民以享豐年之利自為夤緣者請射為池戶
 魚塘蔬圃封畛其間至券售如世業水源障塞旱
 澇皆害州地狹民貧小歛難枝梧此平湖彌望皆
 負郭良田罔納租稅而池戶長享重利第以圭撮
 稍入不侔甚矣乞於農隙稍尋其舊州舊無放生
 池如將西湖充之仰祝兩宮之壽歲不過損州公
 使庫池戶數百緡而公私便利為惠無窮也既復
 建閣其上沿舊名曰澄瀾 皇朝按察使徐中
 行闢治建閣復汝愚舊萬曆中守江鐸作水關以
 通水中有孤山開化山又城東有東湖亦嚴高所
 鑿宋末湮塞又有南湖亦塞矣又有陳湖石湖莫

方域

朱吝

詳其處西南二湖宋時太守出觀競渡有亭榭之
 美蒸裏則寒食佛日俱往游焉古圖記西湖旁有
 廟祀閩越王郢以郢為州西開大路畚土成丘得
 血食也

長定官池

天湯泉

龍龕井 廣福井 金雞井

古田縣在府城北東抵連江西抵南平南抵候官北
 抵政和本晉候官縣山洞唐開元二十八年洞民劉
 強輩千餘計歸命向化都督李亞丘以聞明年始立
 邑於雙溪之滙屏山之南宋轉運使楊克讓奏遷邑
 治於水口端拱元年轉運使崔策還舊 皇朝因
 之在坊為保五在鄉為都四十六統圖六十三

城內

一保圖一

二保圖一

三保圖一

四保圖一

五保圖一

和平里

一都圖一

二都圖一

三都圖一

四都圖一

五都圖一

山日九龍 峰日白銀
嶺日馬蹄 溪日瀨溪
虎溪 潭日後溪龍潭

崇禮里

七都圖一

八都圖一

九都圖一

十都圖一

十一都圖一

山日旗山 五花 五山
比臺 極樂 黃蘗
五華
峯日大仙

保安里

十二都圖一

十三都圖一

十四都圖一

山日翠屏 醴醕 仙亭
月山 龜山 古城
花山
峯日尖峰 小尖 文筆
巖日仙巖 嶺日金仙 仙嶺
溪日東溪 感溪
潭日上方 下方

慕仁里

十五都圖一

十六都圖一

山日華巖 寶東
峯日鳳冲 陽谷
嶺日天宮 覆船
羊角

新興里

十七都圖一

十八都圖一

山日石崎 湖日平湖

橫溪里

二十都圖一

二十一都圖一

二十二都圖一

二十三都圖二

二十四都圖二

二十五都圖二

石日石障
溪日橫溪
泉日清泉

新俗里

二十六都圖二

二十七都圖一

二十八都圖三

二十九都圖三

嶺日晶峯
洞日天平巖

溪日白溪

青溪

雙溪

倭溪

困溪

菴溪

禹溪

小溪

甘溪

移風里

三十都圖一

三十一都圖一

三十二都圖二

三十三都圖一

三十四都圖一

山日寶泉
石日石龜
溪日西溪

安樂里

三十五都圖一

三十六都圖一

山日馬山

峯日大夫

獬豸峯

巖日天平

林日相公

鼓山

麒麟

象峯

幽巖

順委里

舊名慎宋避孝宗諱慎因作順

三十七都圖一

三十八都圖二

三十九都圖一

巖日孔雀

安民里

四十都圖一

四十一都圖一

峯日幽巖
嶺日岑洋
石日龍瓜

邵南里

四十二都圖二

四十三都圖一

四十四都圖一

四十五都圖二

四十六都圖一

嶺日井嶺
溪日井溪

翠屏北萃仙亭南案文筆東峙五華西礪其形勝也
山

九龍山

九峯截竊峭壁其中有大小石擊之小石戛戛然有
聲

旗山

以形名杉洋亦有之

五花山 北臺山

五山

周書

卷之三 方域

三

吳雲

極樂山

山下有極樂寺唐天寶初僧志文建宋令李堪喜遊之曰我歿當棲神是山一日寺僧忽聞堪車馬導從聲趨迎則烏有次日堪卒僧神其事立祠祀堪奉堪爲護法神堪咏寺詩有序云極樂山蓋美刹殊致煙霞樹石風泉猿鳥尤多其間精舍耽耽景最清絕與時爲奇余長玉田得之部內登高而賦風什所繇又八景詩序玉田爲邑山水之會環峰複嶂効奇獻秀雙溪合流襟帶其間北有山曰翠屏邑主山也形如屏幃竹樹蔥蒨春朝微雨望之蔚然其東曰金仙嶺林木蕃茂薊蕘者往負薪行歌東南一峯銳聳類筆夕陽射之文彩爛然下有藍洞薄暮雲歸布護充斥虛谷盡白西南之峻極者曰五峰秋晴景明丹霞冠頂直邑西層巒疊巖截崑干雲窮冬雨雪他山不白西山巔有之霽後仰觀益增爽氣溪源二自北來至邑合流爲劍溪委蛇澄徹其平若鏡往來漁舟欵乃相聞南下里許石灘橫截中流亘東西岼溪流觸石如鳴佩玉當素秋無雲碧落懸鏡水光月色灑灑乎清氣爲一景入者玉田勝景也因卽景賦之讀堪詩序

知爲文雅君子也嘉定中令傳康疾護法神祠其稱不正名廟曰靈應令留元亮續成之請趙以夫爲記曰李侯當井邑荆榛之時教俗淪胥之後興學明道民奠厥居而佛家者流聚廬寧處亦蒙賚焉蓋侯之愛非徒使吾民遷善雖舐排攘斥亦易怨爲德矣山中寺有三奇西廊鍾鼓聲聞三百里宋朝有旨鋸其唇三寸法堂扁紹興中劇寇中之箭鏃藏殿雕龍傳昔遇風雨化飛去章孝彥詩云廊鍾默訴亡唇恨堂扁猶存箭鏃機禪關未晚門先閉似恐雕龍去復歸寺後西山之半巖空若室有馬仙小像曰西巖亦有伏虎巖

黃蘗山

山多桃塢曰棗塢湖曰棗湖溪曰棗溪洲曰棗洲舊傳有人由白沙溪泝流至溪上境界豁然有如洞天于時春風微和天棗夾岬繁英媚川溪西有湖曰小湖黃蘗山下有寺曰寶峰寺西南有臺曰羅溪併黃蘗山而五宋令許當作棗溪五詠題之陳白小湖詩不與衆流通湛然如月午龍吟人盡聞龜息誰能覩

五華山

峙聳千仞名曰千山亦名大仙山亦名大佛嶺宋李令堪八景詩所謂八峰也上有棲真道院

皇朝藁城倪灝院記五華山在高峰中屹然特出俯視百里間羣峯壑若波濤洶湧而五華居尊焉宋季北兵入閩越邑境人民悉避茲山有姓陸者忽見一青衣童子蓬跣騎牛進曰北兵旦來汝等不宜處此陸叱之曰小子安誕安得而知童子忽失去次日兵果登山被掠甚衆始知此山真有神仙居焉元時有劉道齡者懷仙慕道草衣木食結庵絕頂一犬一雞習靜數年遠遊武當拜謁玄

帝參究真訣遂奉香火還山供養延祐庚申夏忽

令人掘地作墳積薪於旁曰某數周幸滿誓於六月望日辭去如期老幼登山送者千餘人及午刻雷震微雨師蕪薪自焚稽首謝衆皇朝張以寧詩大佛嶺盡小石來黑崖削缺懸崔嵬雲翻石根六月雪雨老石路千年苔九華天姥昔見之間有山無此奇

翠屏山

舊名環屏邑背山也

醴醕山

山下醴泉出焉又為仙亭山有醴泉道院院有亭
 元時項道人修道此山道人名此舟能行雷法知
 人生歿有薛姑者請往其家項曰衲洗方濕薛請
 益虔項仰天言曰張大哥借我日光一道應時日
 出衲處其衲尋乾日亦復沒臨終雷雨驟至立化
 而巴山南有山形如半月名月山 皇朝高棟
 月山詩羣峰多獻竒一峰狀如月半影出陰崕四
 時掛天闕又杉洋亦有月山

龜山

形如龜山下有洞草木繁蕪其色若藍名藍洞洞
 東有嶺曰金仙登其巔可遠眺邑勝築也上有金
 仙宮石磴盤曲

古城山

葉山 華巖山 石崎山 寶東山

馬山

直杉洋之正南午位故名杉洋有鎮其山多竹可
 以楮有百丈 上有溪源宋縣尉盧特禱雨有龍
 爪見焉

鼓山

界旗在馬山之間

小武當山

在水口隔江祀真武宋時為拱辰堂相傳有雲水道人自武當山佩香火來寓斯堂數日出不知所向衆異之由是祈禱旁午嘉定間邑宰傅公康易為北極道院元時有道士馮守一者居之苦行焚修積素檀施闢址宮之曰佑聖

白銀峰 大仙峰 尖峰 小尖峰

文筆峰

降形如筆李堪八景之一也

鳳冲峰

下有覆缸嶺

賜谷峰

大夫峰

在藍田之盖竹上有通奉大夫中丞李皇臣先墓

麒麟峯 獬豸峰 象峰

三峰皆以形名橫直十有餘里

幽巖峰

有幽巖寺寺後峰有巨石五代晉天福五年一夕

雷擊裂成品字又名雷峰

馬蹄嶺 天宮嶺 羊角嶺 晶峰嶺 岑洋嶺

牛頭嶺

清風嶺

與延平界

孔雀嶺

中有仙跡

仙巖

天平巖洞

洞內有龍祈雨輒應

相公林

宋太宰余深祖邠國公墓在焉故名深累官御史

中丞兼侍讀與開封尹林攄治張懷素獄中連蔡京獄辭有及京者輒焚之京遂力引深與攄驟至

執政宣和初為太宰言福建以恥花果擾民徽宗

不悅遂請罷出為鎮軍節度使知泉州靖康初加

恩乞致仕建炎二年降大夫臨江軍居住尋以渡

江恩赦還鄉里

石障 石龜

龍爪石

在秀峰寺前形如龍爪

龍舐石

有孔而潤故名龍舐

竹洲

上有顯應廟神姓黃諱師蓋宋景德間人巫而得道其墳在此洲前有二竹能自掃墳人號竹仙

戴星洲

川

瀨溪

流逕曹陽橋合入大溪

虎溪

昔傳有虎跳溪石上其跡猶存岍側有虎溪寨

東溪

溪有灘舊名洪瀨宋令李堪恥陸士衡飛泉激鳴

玉之語改爲鳴玉灘下有磨劍石識云劍石平出

公卿宋令畱元亮平之刻字曰劍石已平公卿出

焉

感溪

一名錦溪

橫溪

有橫口東西溪

白溪

菴溪

青溪

禹溪

雙溪

小溪

倭溪

西溪

周書

方域

三

熙

甘溪

古名藍溪流入東溪

困溪

溪流自縣出與嵩溪會名水口溪關曰困關宋轉運使楊克讓所遷縣治處其北有巖巖上有菴菴前有塔名塔嶺一奇勝也其庵祀醫官鄭真人前有石珠一圓皇朝嘉靖中延郡司理徐珪謁祠下心頗自異未幾疾忽作夢與神欵翼日遂愈因酬以詩萬曆中嵯司貳蕭敏道自言結髮應試時夢人授一石圓如珠大二尺許命吞之既寤腹微滿異之既官於是日過庵見石列香几上如夢所吞者問厥從來守庵具對自詫其驗敏道福郡守終官

渙文渠

昔人鑿之為邑襟帶

朱舍河 後河

平湖

上方龍潭 下方龍潭 後溪龍潭

清泉 白泉 温泉

白泉 盤泉

平陽

朱合

晉人

斯文

[Faint bleed-through text from the reverse side of the page]

閩書卷之四

方域志

福州府

閩清縣

長樂縣

連江縣

閩清縣在郡西北東抵侯官西抵尤溪南抵永福北抵古田本漢侯官縣地唐貞元中觀察使王翊析縣北十里置梅溪場五代梁乾化元年王審知升為閩清縣宋元仍舊 皇朝因之其鄉二坊五都統

圖七

東奉政鄉宣政里

昇平坊合一都二都統圖一

山曰大湖 鳳凰

閩書

卷之三

方域

七

建科

巖曰烏石 溪曰梅溪
井曰古井

和豐坊合十六十七都統圖一
山曰候山
白雲

石竹
留錢
朱頂

南鄉安仁里

十九都合十八二十二二十三都

山曰白面 鍾南
泉曰湯頭

西鄉孝順里

六都合四都及三都之半統圖一
山曰臺山
巖曰龍都

九都合五七八都及三都半統圖一
山曰玉臺
名山

北壽寧鄉仁壽里

十一都合十都十二都統圖一
山曰大帽
石屋
石曰龍爪

十四都合十三十五都統圖一
山曰鐘湖
鶴林

溪曰演水 瞿曇
石曰仙人坐化

大江環左屏山聳前鳳凰南翔朱頂西舞其形勝也

山

大湖山

山半有湖約半里許漢徐登趙昞得道於此登昞

見閩縣

鳳凰山

以形名宋陳祥道居焉下有起傳巖祥道第暘隱其處後以賢良舉鄉人名巖曰起傳蓋以方傳說

猴山

山下有坑水流相遞猴猿所窟

白雲山

大山有仙峯巨石有寺夷堅志閩清縣白雲寺西廊有大輪藏名千福王氏據閩日所建也淳熙中寺僧以殿柱朱漆暗淡命工莊嚴選行監視其故時所用漆略與木不同拈綴隱隱有紋引手剥之見寶珠一顆在柱中現入定觀音聖像相貌端嚴極為明了觀者無不稽首敬禮

石竹山

在鳳凰山傍山半有靈壇石巧如畫屏

朱頂山

唐乾符間山下有池錫者家畜馴鶴旦輒飛翔山間因號山曰朱頂林曰白鶴

留錢山

唐乾符間一夕山錚錚有聲天雨錢不可量數林木旦視皆折

白面山



巖石晴望隱隱如面溫泉出焉

鍾南山

在臺山南上有巖曰盤谷昔有二人裹糧深入憇草屋下忽一人出芋數枚煨落葉相啖明失其處但見落葉盈尺題詩其上曰偶與雲水會不與雲水通雲散水流後杳然天地空山中有度仙橋舊傳黃天谷訪徐葛二子於此

偃草山

山草分兩偃其一偃上其一偃下舊傳未福有張聖者宋紹興間為白雲寺頭陀飯牛山下見仙人圍棋山巔往視之仙人尋去奔追不及既悵且斃卧地而輾輾而下者草偃而下輾而上者草偃而上雖經鏟鋤復生如故

臺山

縣主山也

玉臺山

唐時有楊姓者煉真于此鄉人臺而祀之名玉臺仙人傍有井中產蜥蜴可以禱雨或曰蟄龍云臺後有石鼓扣輒鳴

名山

山產名花異果逸人薛丕居之或傳其仙去一名
逸人山一名薛丕山一名薛仙山

大帽山

接末福界峯巔舊傳有鼓聲或月一二鳴或經年
一鳴歲旱禱雨於此其下爲白面山有山石壁玉
白色望之隱隱如人面是出甘泉

石屋山

巔有石屋及棋局仙跡

鍾湖山

山半有湖泥如浦渚是生蘆荻有積水其味特
應潮盈縮相傳湖中有鍾下有鍾潭蛟龍出沒

芹山

白玉蟾煉丹處也鶴林彭耜傳曰先生姓葛諱長
庚字白叟福之閩清人母夢食一物如蟾蜍覺而
分娩時大父有興董教瓊管是生于瓊蓋紹興甲
寅三月之十五日七歲能詩賦背誦九經父亡母
改適先生師翠虛陳泥丸學道得太乙刀圭之妙
九鼎金丹之書長生久視之術紫霄嘯命風霆之
文出有入無飛昇隱顯之法始棄家從師遊海上
號瓊海子至雷州繼白氏後改姓白玉蟾字以閱

衆甫號海南翁一號瓊山道人一號贖庵一號武夷散人一號神霄散吏一號紫清真人自謂同紫元紫華先生乃紫清也三人乃紫微垣中九皇星之三星也因悞校勘運之錄降人間九章奏則曰金闕玉皇門下選仙舉人臣白玉蟾嘉定癸酉翠虛假水解於臨漳復出於武夷悉受諸玄秘先生盡得其旨乃披髮狎狂遍走名山有疾苦或草或木或土或炭隨所得予之餌者輒愈乙亥冬武夷詹氏之居火光墜其家延先生拜章禳之已大書一符於中是夕聞戶外萬馬聲有呼云火殃移於延平某人之家驗之果然丙子春過江東憇龍虎山歲旱諸羽流誦木郎呪弗應先生爲改正誦之果雨人疑張虛靖後身戊寅春遊西山適降御香建醮於玉隆宮先生避之使者督宮門力挽先生回爲國陞座觀者如堵又邀先生詣九宮山瑞慶宮主國醮神龍見于天具奏以聞有旨召見先生遁而去已卯自洪都入浙訪豫王僧孤雲率諸僧來迎以先生博極群書貫通三氏欲求其爲僧以光叢林先生笑曰吾中國人也生中國則行中國之道禪宗一法吾常得之矣是修靜定之工爲積

陰之魄以死爲樂吾中國之道也是煉純陽之真
精飛身就天超天地以獨存以生爲樂也故曰本
乎天者親上本乎地者親下道不同不相爲謀也
壬午孟夏伏闕言天下事沮不得達因醉執逮京
尹一宿乃釋十月先生至臨江軍慧月寺之江月
亭飲酣袖出一詩與諸從遊談未及展玩已躍身
江流中諸從遊疾呼援溺先生出水面搔手止之
洪都人皆謂已水解矣是月又見於融州老君洞
由是度桂嶺返三山復歸于羅浮紹定己丑冬或
傳先生解化於盱江先生常有詩云待我年當三
十六青雲白鶴是歸期以歲計之似若相符逾年
人皆見於隴蜀文未嘗有死競莫知所終按尹子
曰十年死者十年得道是得道之速也百年死者
歷久得道是得道之晚也死者煉就純陽之真精
消盡積陰之渣質故棺空而無尸復見於他邦出
入天表與神俱遊今先生九年道成而仙去是得
道之速也先生蔬腸絕粒喜飲酒不見其醉大字
草書若龍蛇飛動兼善篆隸尤妙梅竹間自寫容
數筆立就時言休咎驚動輦俗姓名達於九重天
子賜以養素之褒笑而不受始蓬頭跣足辟穀斷

輦晚而章甫縫掖日益放曠厭世而思遠遊其存
亡殆莫得而曉也

鶴林山

有鶴林院唐開元僧悟皈置院之前崗峭拔獨立
古號華表故以鶴林名院

嵩峯山

界永福長樂三縣並見梅溪環流其下有巖曰雙
巖下有龍潛焉宋邑人林正卿構龍門菴于山陽
黃幹記山折二支東西迭迎而相面俯而相就卒
而交互以入于海溪之水沿山而流若往而俯若
抵而觸若滯而溜莫知其所自出如是者十餘里
然後聳爲雙岩瀉爲三灘崖束灘駛峯律澎湃露
怪呈竒不可名狀

檉峯

北通尤溪有巨檉焉

烏石巖

在縣西南巖勢長峻登其巔衆山在目

龍都峯白巖

高數百丈世傳爲趙真君壇雙峯對峙宛若洞門
巖下有石榻棋局時聞仙樂縹緲聲

龍爪石

石勢穹然下有澄潭紫雲時見相傳昔嘗禱雨於此有龍懸一爪於石大雨隨至乃立祠祀之今爪痕猶存

川

梅溪

源出永福縣境由縣西五里入江江水濁而溪水清縣所以名閩清其地多梅故以名溪上有昭顯廟神姓陳事王審知有功於閩民為立廟宋天聖間淫雨為沴民居高陵皆墊溺廟在其下獨不為

害

演水溪

源出尤溪流入梅溪溪中有仙人坐化石舊傳張聖君卒其上石傍有穴最深曰九龍潭歲旱禱雨多應潭中遊魚群聚雖洪潦漲溢不散

瞿曇溪

源出永福縣流入梅溪溪傍有佛跡石

洛洋溪

溪崖磐石之上有仙人跡傍有石曰

鍾湖

湖

方域

先弟

相傳湖中有鍾故名

湯頭泉 湯下泉

古井

宋祥符間鑿其泉來自臺山之下清冽甘美

陂十有一其著者曰賢良邑人陳暘拜石得泉有灌

溉之利後應賢良舉人以名陂

長樂縣在郡東南東抵海灣西抵閩縣南抵福清北

抵連江本隋閩縣地唐武德六年析置新寧縣尋改

為長樂元和初省入福唐尋復置五代時閩改安昌

縣後復為長樂宋元仍舊

皇朝因之其鄉分

四鄉統二隅二十四都為圖百有九

善政鄉

東西隅圖六

宋賓賢里以孝子鄒異名

山曰南山 首石

峯曰松石 江曰馬頭

石曰石屏 泉曰義泉

九都圖五

宋道遙進賢二里

嶺曰黃彈 溪曰沙坂後

湖曰桃枝 洋

十都圖四

宋清平崇德二里

山曰龍泉 溪曰龍泉

石曰仙人梯 溝曰福田

泉曰五峯龍泉

十一都圖五

宋廉風建興二里

山曰越王 湖曰橫嶼

董奉 上沙

十二都圖四

宋敦素崇賢二里

山曰龜山 澗曰蘇老

十三都圖五

宋仁義招賢永勝三里

山曰鑪峯 芝山

二難鄉

宋祥符初以里人潘循潘衢兄弟同榜故名

二都圖四

宋崇立里

山曰洋門 湖曰延祥

大邊

三都圖二

宋信德里

山曰登龍

龍門

四都圖三

宋嵩平里

溪曰中溪

五都圖二

宋泉元里

山曰溪滑

嶺曰石尤

六都圖二

宋昆由里

山曰阮山 溪曰星溪

堰曰百石 潭曰黃龍

七都圖五

宋昆由里

山曰鼎峯

昌化鄉

八都圖二

宋同榮依福寧石三里

溪曰太溪 潭曰破石

坵溪 三溪

十四都圖九

宋絃歌里

山曰鴻山 嶺曰演嶼

雙髻

嶺曰鰲嶺 石曰石梁 湖曰鄭湖

十五都圖四

宋絃歌里

山曰郎官 峯曰龍角

十六都圖三

宋和風里

山曰藍田 石曰雙髻

巖曰西石

十七都圖七

宋崇仁里

山曰冠峯 五雲

仙山 聖娘

魁山 峯曰龍翔

嶺曰榕嶺 湖曰林婆

十八都圖二

宋海賓崇仁二里

石曰東石

十九都圖二

宋良田里

山曰靈峯 金膝

湖曰長林 溪曰大溪

二十都圖四

宋千零里

山曰衛國 社溪

龍下 鍾門 湖曰龜湖

芳桂鄉唐林慎思登第故名

二十一都圖六今從北里宋為敦化 山曰籌峯 響石

鶴山 江曰廣石 洞曰宏源 溪曰太畬

方安里圖三 石曰閩王禁石

大宏里圖八 洞曰桃花

二十三都圖七宋方樂里

二十四都圖五宋新開里 山曰碁山 江曰梅江 湖曰填沙

東濱大海西接瀛州首石峙北長江經南六平削玉十洋成市紫微文筆立其左右龜麟太常揖其前後馬江瀉空鶴嶺快雲其形勝也

山

南山

山勢迴環有巨石如龜載物俯伏其巔又名登高山以邑人重九登高於此宋孝子鄒異者廬墓山下六年有甘露芝草之瑞元祐間舉經明行修有請司改其里曰賓賢坊曰文行其南有五峯並峙曰五馬山三峯並峙曰三峯山

首石山

山巔有石高二十餘丈廣數十步中有泉穴四面窺之皆見水又云四水石山山有時鳴古識云首

尚書

卷之四 方域

三

建科

石山鳴出大魁十洋成市狀元來
 樂十年是山適鳴會三寶太監鄭和下海通西洋
 駐軍十洋街是科邑人馬鐸應之戊戌又鳴邑人
 李騏應之

龍泉山其里曰寶賢曰文曰其南亦曰龍泉並山曰

在縣東南中有五峯曰卧牛曰仙冠曰品石曰梯
 雲曰蓮花仙冠麓有巨石朱文公勒曰朝陽有唐
 時龍泉寺初邑人王氏子少時事龍泉禪師師令
 浣布見青黃二龍戲井中翫之遲歸師詰之遂以
 鉢探二龍獻師師以為神薙髮住洪州百丈山稱
 百丈大智禪師南連福湖山其峯曰獅子石曰梯
 雲其傍山曰石馬曰桃坑宋人鄭申之結樓梯雲
 之下文公名樓曰聚遠

越王山

高一里周圍三十一里越王勾踐七世孫無疆與
 楚戰不利子弟或為王或為君散居南海上此其
 一也其傍曰靈山有嶺曰古爛

董奉山

漢時董奉煉丹於此中有董巖又曰董平山又曰
 董峯山又名福山郡國志云上有神人披髮裸



身見者必福奉見侯官縣怡山

溪湄山

在縣之羅山有寶山雲石澗泉龍潭津南陽耕諸

勝山頂有湖廣五畝相傳有巨蚌剖之得珠是名

珠湖

龜山

山有白龍巖石人峯獅子石山下有白雲溪山中

有竹林寺唐大中中戶曹林勣觀捨宅為之勣觀

故居龜山下種竹十畝大曆二年有釋江照遊衡

山雲峯寺堂食頃鉢中忽現五色雲雲中有寺寺

有金榜題曰大聖竹林寺于是勣觀以其所居有

竹林遂捨焉有白蓮慈氏上方隣溪華巖慈雲普

雲地藏龍溪瑞應觀音文殊普賢天冠白龍龍丘

釋迦白雲寶積靈源泗洲歸雲延壽香巖彌勒凌

雲龜石廣平彌陀積翠藏院懺堂乾懿功德堂育

王塔羅漢院凡三十六庵至宋併為禪寺寺有藏

經五百餘函其一乃乾德中巨螺乘之浮海得而

發之妙蓮經也

鑪峯山

形若香爐一名爐烟山

芝山

一曰大山間有二潭山陽曰白龍山陰曰祥雲昔人見二龍起演江白者歸山陽黑者歸山陰又常於潭側獲郊殼斗大五色玄黃舊碑記王想之以瑞芝見其宅捨而為寺寺內石屏宋慶曆中監司蘇邵二公刻去華才翁四字

柯林山

宋鄭洙居其下洙以三禮出身因名其鄉曰喬柯故山曰柯林其峯曰龜峯曰紫微峯色奇秀下多居人又一峯對峙曰翠微

鴈峯山

臨嚴公湖之上而宛在水中央其小阜曰蟹山湖傍山有勝迹六曰六奇有潭曰石鼓鹹潮不入邑人陳鈺詩平地三峯起凌虛一氣齊雲間星斗近鳥外海天低嚴公湖者西湖也宋三山志陳大建元年長樂嚴光之子恭客于維揚舟次江滸市龜五十放之光家居一日見披黑衣者五十人送緡錢五千曰君子維揚所附及恭歸問之無有乃悟市龜之故光遂捨宅為寺鑿田為湖鄉人名寺曰嚴寺湖曰嚴湖矣

洋門山

皇朝成化十八年大雨崩泐壓居民數十口

大邊山

一作岱邊上有巨石十餘丈有泉清冽旱禱輒應

又有石如麟曰麟石

登龍山

龍門山

一名翁山一名半占山

阮山

爰有平楚廣十餘里名曰古縣

門峯山

界永福閩清三縣並見

鴻山

郎官山

山極高峻達于石尤嶺以通福清傍諸山曰七巖

曰溪湄溪湄有十勝曰幞頭石曰筆架山曰寶山

雲曰珠湖月曰文筆峯曰石澗泉曰龍津釣曰馬

嶺樵曰南隅耕曰西崙牧珠湖月在山絕頂廣袤

五畝餘有人得蚌剖之得珠又有瓢窟天馬白巖

石牛諸山

藍田山

冠峯山

山中有石如進賢冠也

仙山

有萬壽道院院西有七星井其一井宋鄭尚書丙

書龍泉二字刻石

五雲山

唐僧道深過此五雲覆之

聖娘山

中有天妃宮林婆湖在其下林婆唐林鷓妻鷓字

祥鳳開元中為倉曹參軍大曆中因南郊沙合捐

田築濱澗湖二十餘里可溉千頃澤四里樹碣湖

有日湖水不竭由縣官明而妻趙氏亦捨奩田為

湖人稱林婆湖也皇朝隆慶間令蔣以忠

復濱澗湖傍之攘利為田者堰之凡百五十丈

魁山

以其為衆山之魁有植柱廟唐開元中神降察山

之陰乘大木泝湍流而上有漁人負木趨下流少

選復上如是者三心異之取置石室下神奉之遠

望若植柱然里有洪氏女浣紗廟旁忽一物浮水

若銀卮褰裳探之隨水而沒其家訴神忽雷雨暴
 作死蛟上浮剝蛟腹得女洪氏感涕虛所居刻柱
 為神像塑女配焉宋景祐中縣尉王者以禱雨獲
 應唱里人立廟紹興間海寇朱聰迫境見神兵如
 雲遂不敢前連歲旱澇應禱部使上功詔賜廟額
 曰顯應至嘉定中累封顯應淵肅孚濟廣佑之神
 真文忠為碑文其辭曰魁山兮崇崇齋淪亡極兮
 魚之宮皇皇后帝兮睠南土俾神宅茲兮衆爾主
 噓吸雨暘兮指噉風雨盪滌乖沴兮攘除妖蠱有
 蛟婪婪兮血人以自飽是震是悼兮奮厥天討有
 兇額額兮猶蠶之群恍瞻靈旗兮悸若獸犇民恃
 神兮我父母神不言兮信寒暑明明我后兮子萬
 壽方曰民爾恩兮我豈忘既賁之以鴻名兮又申之
 以顯號中興百年兮三焜煌其紫誥民事神兮何
 窮神報上兮焉從異材出兮棟王國氓安居兮稼
 滋植公袞兮王圭將便藩兮神錫

靈峯山

在縣東南五十里而遙山多靈勝有魯公巖香爐
 峯獅子石歸雲洞半月池品字池佛祖巖羅漢臺
 其麓曰龍龕里人常見龍乘雲焉一日天池山上

有石池其西曰鳳凰山形如鳳凰一日天派山
 衛國山千石嶺雲師半日此山宋永徽時魏徵奏
 形有捍禦之勢故名一名御國俗呼魚骨貢夷望
 此以識海道

鍾門山公案令王上派野嶽今縣驗上功部
 山隔大海相傳有僧自廣南載鍾經此而沒潮退
 時有見之者百本令三數數其紫端刃事斬令向

籌峯山一名龍峯一作籌巖有唐林慎思讀書石室朱晦
 翁題之曰德成以慎思德成於此也山中巖為宋
 劉砥劉礪讀書之所晦翁南遊二劉從學留斯巖
 最久巖奇峭幽絕透迤而上可數百武有石對峙
 如削為石門晦翁手題讀書處鐫于石門之上有
 祠祀晦翁以二劉配其巔有海天山月亭
 皇朝中璫鄭和嘗加葺治人名之曰三寶巖以和
 奉使入海人稱三寶太監也隆慶間令蔣以忠易
 之曰晦翁巖

響石山
 人行其上鏗然響也

鶴山

方域

山多鶴鶴石窠有水鴉浴其中又名鴉池又有一石擊之如磬名響石有觀稼亭 皇朝弘治

巳酉令潘府出舍省農訝山以鶴名未見有也倏忽有鶴數十盤飛至府登山書觀稼二字于石壁仰天祝曰今茲山遊觀我穡事雨順風調謂之福官救災卹荒謂之能官今願為福不願能矣是邑前苦旱癘至是越壬子冬九穀載年穀大登疫癘亦免耆宿請府建亭名以瑞鶴府曰鶴偶然耳有觀稼在其以名亭

名山

邑主山也上有禱雨祠壇

周山

碁山

頂有石臺有仙弈之跡至今臺傍荆棘不生

太常山

郎大斛山左按籌巖右連石首其高若為群山所尊者故曰太常太常之陽有嶺曰從龍曰風門風籟不絕其陰有嶺曰浮崎曰提麻曰潭曰碧曰香爐浮崎北界于閩縣

鰲頭山

周書

卷之四 方域

九

先弟

縣案山也

四明山

高列四峯中有古壇生釣竹有井泉其甚

石臺山

與四明山連宋紹興間白晝雲雨晦冥有龍爪樹

飛出因名龍臺其峯曰松石下有天王寺唐大中

七年建先是有檀木溯江而上牧僮取之中夜發

光里人林致夢木自云我乃北方毗沙門天王致

雕爲像捨宅爲寺

斜頭山

鼓角山

嵐乾山

金雞山

龜息山

六平山

蜿蜒六曲宋淳祐中里人陳合建亭其下上有巨

石巖立中有小石洞門可通往來壁上勒第一山

次小有天字蹟頗奇宋寶慶中太博陳俞居其下復

名太博山皇朝高棟詩六平崢嶸何壯哉

六平芙蓉如掌開九華五老讓光彩三峯二室爭

崔嵬

戲崎山

牛壠山

巍然丘阜四面環之中有田可百餘畝又南曰嵩

山曰三山有嶺曰瀉水峯曰鵝眉翁浦又南曰
栢山山

山多栢木唐末有當陽寺寺有二堂曰山月雷音
蛤山

在董峯西山摠一石下多居民傍有嶼曰赤曰蛤
福州裡山山紗帽山

定山亦天字龜巖曰清公巖僧智清寓此
中有峯曰龜峯巖曰清公巖僧智清寓此

屏山在縣東南四十里有五鯉石其麓曰多山有石曰
可憇百人下有石如船迤西為蓮花山壘石若齒


翁山左右有龍門二井一方一圓
壺井山

井在山隲其狀如壺潮至則沒潮退其水復淡
利充山

山有高麗王祖墓王名宜星其父元末任宜州判
官生時星墜庭中因以為名父卒高麗王入貢見

而器之遂從王歸王後無子因以為嗣乃襲王矣

周書



按高麗王父在元末王人貢當在
 麗國朝貢其王皆易名與國中本名異亦不知宜
 星國史所載是何王也又高麗道入遼海不應出
 閩抑從日本來耶

平地山

菽園雜記成化十三年福建長樂縣平地起一山
 山旁一池忽生大蜆其味甚美民爭取食不數日
 死者千餘人

松石峯

唐末有天王寺中有枕流軒望江亭樂壽堂
 皇朝萬曆中僧重建經堂

龍翔峯

有豹變巖與此峯對峙

金峯 雙髻峯 鰲頂峯 龍角峯

剋嶼峯

穴起田中巍然高數丈

瑞峯

中有石曰釣鼈亭曰垂露宋慶曆中觀察使蘇舜
 元勒字于石字作垂露體故以名亭

黃彈嶺 鶴嶺 石尤嶺

鰲嶺

有宋林岳書鰲嶺二字

榕嶺

一名沙嶺宋時有夾道之榕

登賢嶺

卓嶺 孝義嶺 潭頭嶺

吳宰嶺

宋知縣吳節家其下

稠巖

峯巒稠疊林慎思月樓在焉

宏源洞

桃花洞 歸愚洞

海嶼

石嶼 百石堰

石屏

在觀音寺後

仙人梯石

有麻姑井石船踏之則動

石梁

雙髻石

以形名十六都十四五都皆有之

東石

閩書

卷之四 方城

居

建科

閩王禁石

石在海際周圍十餘丈產紫菜縷織其美王審知時禁私採以自奉今广石灣是

中丞石

上刻中丞二字唐潘獨坐南歸憇此里人銘之

川水利附

馬頭江

吳王造戰艦處也名吳艦頭因名縣吳航漢吳王濞反獨東甌王搖從之故濞於此造艦

朝太監鄭和泊舟焉改為太平港十洋市在港東

广石江

江民業漁宋陸秀夫張世傑奉二王從此入閩

安鎮

梅江

古云梅江水直千金

壺井江

江有王母礁宋末楊妃負益王福王航海經此

沙坂後洋溪

龍泉溪

獲洋王背大溪

黃弄溪

竹林溪 中溪

星溪

即獵溪

閩書

卷之四 方域

七

元

二百七十五

坵溪 三溪 大溪 社溪 龍下溪 大番溪

宏源溪 觀音溪 資聖溪 鐵爐溪 九溪

稠菴溪 倒流溪

蘇老澗

蘇舜元經此臨流樂之後因名

福田溝

皇朝里人李長孫所鑿人利灌溉名曰福田長孫字原善時時出金為鄉人助葬

桃枝湖 橫嶼湖 上沙湖 延祥湖 鄭湖

長林湖

金膝湖

皇朝嘉靖三十六年湖上產異種嘉禾二畝許既秀且實里人瑞之

龜湖

嚴湖

皇朝正統十年縣民劉彥梁言本縣嚴湖周圍餘二十里南接稠庵溪西通倒流溪旱則引稠庵溪入湖漑田雨則疏倒流溪以防其漲近者湖岸坍塌決溪流湮塞不能積水防旱雨至田或滄沒又有張塘涵塘前涵大塘涵陳塘港其利弊亦如嚴湖

乞勅有司修築疏濬實為民便下工部移縣覈之本縣報稱民情所願雖勞不怨貼圖刻期以聞

朝旨從之

填沙湖

黃龍潭

相傳嘗有巫者之妻漚麻潭側見黃龍首藉其上以告縣官禱雨輒應郡志作黃新潭

破石潭

常有女汲潭蛟吞之忽雷擊石破蛟死而女屍見

搏紗潭

有人測之搏紗不至其底故名

義泉

宋縣令袁正規所鑿

五峯龍泉

相傳唐大中間有二龍戲井亦名龍井

瀑布泉

一在光嚴寺北二里許一在龜山竹林寺溪會亭之上

連江縣在郡東北東抵海西抵懷安南抵閩縣北抵羅源晉以溫麻船屯置溫麻縣屬晉安郡隋省入閩

縣唐武德六年復閩縣置温麻縣其年改名連江宋元仍舊

西寧善鄉

欽平上里圖五

嶺曰白塔
礁曰胡蝶案

矮嶺
江曰鰲江

東寧善鄉

欽平下里圖五

山曰龍滌
巖曰烏石

湖山
洲曰浮洲

永福鄉

嘉賢下里圖一

舊屬名
聞鄉

溪曰財溪

二十六都圖一

宋崇德里
隸寧善鄉

潭曰松臯

山曰上竿塘
下竿塘

二十七都圖二

宋崇德里
隸寧善鄉

石曰小華峯

山曰馬鞍
鰲鼻

二十八都圖一

宋崇德里
隸寧善鄉

山曰三德

二十九都圖一

宋崇德里
隸寧善鄉

嶺曰關山

南永福鄉

新安里圖二

山曰覆釜
五馬

兩泉
荻蘆

安慶里圖二

文筆
竹溪
山曰王孫
福斗

溪曰利坑
泉曰鮮醞
定崎

永貴里圖三

山曰雲居
江曰蟾步

東岱

五賢鄉

安德里圖二

山曰玉樓

保安里圖二

山曰香爐

馬鼻

建興里圖二

集政上里圖一

潭曰鉢盂

集政下里圖三

宋集政招賢上下里

太平鄉

光臨里圖一

宋光化臨江二里

山曰張旗

清河里圖一

巖曰洄口

石曰月石

山曰濂湖

嶺曰白蓮

安仁上中里圖一

山曰白巖

泉曰寶華

北名聞鄉

嘉賢上里圖一

賢義里圖一

宋進賢里

嶺曰三望

中鵠里圖一

舊名通中鵠五

潭曰洋門

化唐張瑩詩一箭不

仁賢里圖一

宋敦賢里

山曰東坂

安定里圖一

山曰羅漢

三台外輔五馬內朝蝶案沈水筆峯聳天其形勝也

山

龍澗山

縣主山也岡巒如龍澗水夾溪而下有潭曰五峯
丹陽驛道記武陵谿徑龍澗潭昔有龍孕其間樵
採不入者有年乾寧中僧宗珩結茅于上衆異之
始創屋宇表闡賜額曰龍澗報恩院

湖山

去縣八里舊稱湖山古道場唐景福中王氏入閩
淮民隨之有桴浮香爐及書硯漂于岸側其人異
之曰吾州杜三郎故物也因創祠祀之其麓有筠
溪釣臺故宋李彌遜以筠溪為號

西山

宋李彌遜隱處也按彌遜本連江人其祖餘慶遷
居吳縣彌遜知漳州還連江遂隱于此

上竿塘山

峯巒屈曲有竹簷湖尾等六灣

下竿塘山

有白沙鏡塍等七灣是山與上竿塘並峙大海中
上並有民居洪武二十年內徙

馬鞍山 鰲鼻山

三德山

三峯列峙海門舊名三台又名筆架

覆釜山

在縣東南中有巨石如覆其峯曰南乾有仙人碁
磐石并足跡曰北乾有巨石不着苔蘚形如紗帽
曰矩庾相傳矩庾二仙居之曰金鰲形如巨鰲南
乾之麓有石雙峙道出其中曰石門有寺巨石相
倚其中深邃曰玉華洞又有玉人峯亭亭如玉立
有石鼓其圓如鼓擊之有聲有半月池形如上弦
之月有清陰洞巨石合峙其下平廣可坐數十人
其上佳木陰翳有鬪牛石兩石如牛鬪然有石魚
澗澗旁有石如魚有五臺石五石高平如臺山右
有潭名覆釜潭山前有大坪山山頂坦夷如平地
傍又有山曰金雞嶺曰梅嶺嶺曰連江曰東峯峯
曰兌峯兌峯之下五代時有建安人蕭孔冲者居
之孔冲唐莊宗時中甲科不樂仕進入兌峯削髮
爲僧志行堅苦能伏虎豹旣沒連江人祀之宋靖
康初建寇葉儂逼境遙望高崙牙旗耀火鼓角喧
闐賊遂遁去避寇者咸見神兵歸廟中紹興中海
寇掠荻蘆寨亦見九龍江上船揚旌而下上書蕭
字因賜廟額曰英顯

兩泉山

五馬山

五峯拱向縣治狀如奔馬

荻蘆山

閩中記作荻蘆港山一名九龍山以下有九龍江相傳秦始皇遍鑿東南山之有王氣者以此山根連鼓山鑿之使殊得蘆根一莖長可數丈斷之有血朝斲暮合執役者夢有告曰夜可置鋤鉢勿收如其言血流而殊通水成峽因名峽曰荻蘆峽今呼荻蘆港

文筆山

王孫山

下有石人石俗傳山頂草蕃則邑人多登第

定岐山

福斗山

山巔有古壇祭海處也

雲居山

在縣北有石塔塔旁有雲居堂堂前大石如壁金華趙崇拔刻天上雲居人間仙境八字去堂西北二百步石上有仙人足跡二尺許又有蛤蚌殼附

于石北有龜石蓮花石蓮花石在山半上平下尖
周圍有瓣閣于盤石之上輕搖則動力撼反不

東岱山

玉樓山

有嶺曰透嶺與曰鶴與後與石曰髻美石

龜魚山

香爐山

形如香爐上有石書粘雲二字雲笈七籤以為第

七十一福地謝真人居之唐時有章仙壇開元中

里人章壽得仙術常斬蛟延平津中有勅書碑碣

記其事天寶六年禁樵採有磨劍石掃壇竹石石

棋盤壇側有石井旱禱汲井水迎歸必應旁有童

井有仙人跡童井深僅尺許相傳有青衣童子撥

草取水乘雲登峯而去山南石有章仙峯三大字

精神頗異不志書者及歲月又有煉丹井童壽煉

丹所也宋鄭侍講鑑詩峙立交輝翠紫間踈簾半

捲鎮長閒神仙似有祈年術一縷青烟起博山

馬鼻山

突出海濱以形名

鳳凰山

以形名又曰昔有朱雀翔集

張旗山

濂湖山

山麓有一筠溪釣臺宋李彌遜漁釣處也

玉泉山

上有玉泉巖靈羊洞仙桃巖擁秀堂清澗閣明月
軒流杯亭玉泉巖有泉出兩峯之間色味澄甘唐
天寶中浮屠百餘引以自給筋強骨堅音語鏗然
眸子碧色壽命彌長邵太守奏聞遂賜名曰玉泉

白巖山 東坂山 羅漢山 龍卧山 文殊山

紫霞山

降虎峯

五燈會元唐僧法詮居連江獨覺巖與怡山大瀉
為友指此巨石移之山中遂成室趺坐其中虎中
獵矢向前若訴詮為手拔數日來謝遂相馴狎是
此峰也其石今名雷移若以為雷移然又寶林院
內有虎跑泉泉出虎跑亦詮所居隱也詮居是巖
凡四十年既死十數年容貌如生髮長至頂削之
復出

古洞峯



白塔嶺

在縣西半里許王審知入閩時先鋒陳師先追賊

至此馬踏死焉邑尉程成之立廟以祀至

矮嶺 關山嶺 白蓮嶺 俞裴嶺 三望嶺

陀嶺

烏石巖

上有飛泉直下流通財溪俗呼百丈瀑

洄口巖

巖勢陡險下瞰小洄潭其水滌洄

寶華巖

層岬高峭有天然石室

紫巖

巖極高聳石青紫色宋潘枋詩昔人自有兩赤壁

此地何妨又紫巖又何當瀑布山前路卧看飛流

瀉石嵌

小華峯石

宋紹興二十四年鋤夫得一圓石剖之中有小華

峯三字

蛤沙厓刻石

高數十丈峭立如壁上刻劉禹錫過此五大字豈

禹錫貶連州道從是出耶
月石里

其形似月晦夜有光

郊石

唐咸通中有僧志勤者叅瀉山觀桃花而悟翬靈
應院於建真里更欲造開山塔四明有一僧行化
得錢因買郊石附海舟歸云將為靈應院造塔之
用及岸語舟子曰少需於此吾往院趣役人挈之
越二日不至舟子詣寺蹤跡無有既過開山堂見
所塑像宛行化僧也衆異其事遂以其石為塔邊

水旱禱之必應

香菴石

石大有孔手探有香

胡蝶案

萬石江心常沒不見見則邑人有登魁選者


浮洲

臨江夷曠可居洪水不沒

淤沙

在縣東二里許渚擁淤流久成沙地今為附郭一

闌闌矣



川

鰲江

在縣治南百步許橫亘欽平上下二里即連江也

郡志以縣連接江水名元和志唐初縣移連江之

北又宋嘉定間知縣陶武有連川志十卷知是江

名非連接江水也源出羅源王土溪黃栢潭舊懷

安縣桃洲密溪三派合流至縣前環抱如帶東流

入海又名岱江其濱有漁滄潭古有石刻漁滄天

乙之門

蟾步江

江濱有石馬石屹立如馬也

財溪

上流有潭亦名財溪潭峻岼翳霧相傳有龍居焉

利坑溪

竹溪 周溪

東塘湖

隋開皇中邑人林堯捨田爲之周二十里

松臯潭

中有龍潛旱濤輒應

鉢盂潭

洋門潭 赤坑潭

解醞泉

周書

卷之四 方域

三

十

